



# KALALLIT NUNAANNI AKILERAARUTISSAT ILANNGAATIGINEQARNERAT

JANUARI 2026



## KALAALLIT NUNAANNI AKILERAARUTISSAT ILANNGAATIGINEQARNERAT

Akissarsianik aningaasarsianillu A-nik allanik tunniussinermut atatillugu illit, soorlu sulisitsisuuguit apeqqutissarisinnaasatit nalinginnaanerpaat ilitersuummi matumani akissutissarsisinnavatit, soorlu makku:

- Akileraarutini A-nik unerartitsineq qanoq paasisariaqarpa?
- Kina akileraarutini A-nik unerartitsisussaataava?
- Aningaasarsiat A-t suuppat?
- Illit sulisitsisutut akissarsiat, akileraarutit A-t unerartinneqartussat aammasulisioqarnermut akitsuut (AMA) qanoq naatsorsussavigit?
- Inuit akileraarutini unerartitsiffigisatit sunik paasissutississavigit?
- Akissarsiat, akileraarutit A-t il.il. qanoq iliorlutit Akileraartarnermut Aqutsisoqarfimmut nalunaarutigissavigit?
- Maleruagassanik malinninnginneq sunik kinguneqassava?

Tamakku saniatigut paasissutissat assigiinngitsut allat sulisitsisut allallu akileraarutini A-nik unerartitsisussat atugassaat ilaapput. Iltersuutip imarai maleruagassat ullormi 1. januar 2025-mi atuuttut.

Akileraartarnermut Aqutsisoqarfik Kalaallit Nunaanni akileraarutissat ilanngaatigineqarnerat-nut tapiliussamik suliaqarnikuvoq. Tassani takuneqarsinnaavoq aningaasarsiat suut aningaasarsianut A-nut aningaasarsianullu B-nut ilaanersut, aningaasarsiallu suut akileraaruteqaataasussaannnginnersut. Iltersuut Akileraartarnermut Aqutsisoqarfiup internetikkut nittartagaani [www.aka.gl](http://www.aka.gl)-imi ilitersuutit iserfigalugit aaneqarsinnaavoq.

Apeqqutissaqaruit ilitersorneqarnissamilluunniit pisariaqartitsiguit Sulinal (sulisitsisut nalunaarsorsimaffiat) Akileraartarnermut Aqutsisoqarfimmiittoq attavigisinnaavat. Apeqqutissatit ilanngaassisarnermut akissarsianillu ilanngartuisarnermut tunngasuuppata Akileraartarnermut Aqutsisoqarfimmi Akiliisitsiniartarfik attaavigissavat.

Januari 2026

### **Akileraartarnermut Aqutsisoqarfik**

Intaleeqqap Aqqutaa 1

Postboks 1605

3900 Nuuk

Oqarasuaat nr.: (+299) 34 65 10

Email: [tax@nanoq.gl](mailto:tax@nanoq.gl)

Hjemmeside: [www.aka.gl](http://www.aka.gl)

### **Sulinal**

Oqarasuaat nr.: (+299) 34 60 81

Telefax nr.: (+299) 34 65 77

Email: [sulinal@nanoq.gl](mailto:sulinal@nanoq.gl)

Nalunaaruteqarneq: <https://sulinal.nanoq.gl>

Akiligassanut/akiitsunut takussutissaq: <https://sullissivik.gl>

### **Akiliisitsiniartarfik**

Oqarasuaat nr.: (+299) 34 55 03

Email: [aki@nanoq.gl](mailto:aki@nanoq.gl)

# IMARISAI

|                                                                                                                                             |           |
|---------------------------------------------------------------------------------------------------------------------------------------------|-----------|
| <b>1 PINGAARNERIT SUUNERI .....</b>                                                                                                         | <b>4</b>  |
| 1.1 AKILERAARUTINIK A-NIK UNERARTITSINEQ QANOQ PAASISARIAQARPA?.....                                                                        | 4         |
| 1.2 KINA UNERARTITSISUSSAATITAAVA?.....                                                                                                     | 4         |
| 1.3 AKILERAARTUSSAATITAANEQ .....                                                                                                           | 4         |
| 1.4 ANINGAASARSIAT A-T .....                                                                                                                | 5         |
| 1.5 PIFFISSAQ UNERARTITSIFFISSAQ / PIFFISSAQ ILANNGAASSIFFISSAQ.....                                                                        | 5         |
| 1.6 NALUNAARUTIGINNITTUSSAATITAANEQ AAMMA KINGUNEQARTITSISARNEQ .....                                                                       | 5         |
| 1.7 SULISITSISUP PISUSSAAFFII – SUUPPAT?.....                                                                                               | 6         |
| <b>2 ISERTITAT SUUT ANINGAASARSIAT A-JUPPAT?.....</b>                                                                                       | <b>6</b>  |
| 2.1 SULIFFEQARNERMI / ATORFINITSTSINERMI PISSUTSIT.....                                                                                     | 7         |
| 2.2 AKISSARSIANUT TAPIT IMMIKKULLU TUNNIUNNEQARTARTUT TASSAAGAJUPPUT ANINGAARSAT A-T .....                                                  | 8         |
| 2.3 ANINGAASARSIAT IMMIKKUT ITTUT ANINGAASARSIAT A-JUSUT .....                                                                              | 9         |
| 2.4 ULLORMUSIAT ANGALANERMILU AJUNNGITSORSIAT .....                                                                                         | 10        |
| 2.5 SULISITSISOQ SINNERLUGU AKILIUTIT ANINGAASARSIAT A-JUNNGILLAT .....                                                                     | 10        |
| 2.6 INUINNAAT ILLUMI IKIORTAAT .....                                                                                                        | 11        |
| 2.7 ANINGAASARSIAT SIUMOORUTIT AAMMA SULISITSISUMIT TAARSIGASSARSIAT.....                                                                   | 11        |
| 2.8 KIFFARTUUSSINERMI KAJUMISSAATISSIISUTIT (DRIKKEPENGIT) ANINGAASARSIAT B-JUPPUT .....                                                    | 12        |
| 2.9 MEEQQAT AKISSARSIAAT – AKILERAARUTAASARNERAT ILANNGAATIGINEQARSINNAANERALLU .....                                                       | 12        |
| 2.10 SIULERSUISUNI ILAASORTATUT AKISSARSAT ANINGAASARSIAT A-JUPPUT.....                                                                     | 12        |
| 2.11 AKEQANNGITSUMIK AJUNNGITSORSIAT ANINGAASARSIAT A-JUPPUT .....                                                                          | 13        |
| 2.12 SORAARNERUSSUTISIASSAT ANINGAASARSIAT A-JUPPUT, AKILIUTIGINEQARNERMINNI<br>TUNNIUNNEQALERNERMINNILUUNNIITAKILERAARUSERNEQARTUSSAT..... | 16        |
| 2.13 FEERIARNERMI AJUNNGITSORSIAT ANINGAASARSIAT A-JUPPUT.....                                                                              | 17        |
| 2.14 AKTIANIK PIGINNEQATAASSUTILINNUT TAARSIGASSARSISITSINEQ AAMMA SELSKABENIT ANINGAASANIK<br>TIGUSINERIT .....                            | 18        |
| <b>3 PIFFISSAQ AKILERAARUTIT ILANNGAATIGINEQARFIAT .....</b>                                                                                | <b>19</b> |
| 3.1 AKISSARSAT SIUMOORTUMIK TUNNIUNNEQARTUT .....                                                                                           | 19        |
| 3.2 NALLIUTTUNI SAPAATAANNGITSUNI AKISSARSAT .....                                                                                          | 20        |
| 3.3 AKISSARSIORTOQ AKILIUTINIK SULISITSISUNI SINNERLUGU TIGUSAQARPAT.....                                                                   | 20        |
| 3.4 SORAARNERUSSUTISIASSANUT AKILIUTIT – NUNA ILEQQAARFIUSOQ SUUNERSOQ EQQUMAFFIGINEQASSAAQ.....                                            | 21        |
| 3.5 AKISSARSIAQARANI FEERIARNEQ (KISIANNI FEERIAMI AJUNNGITSORSIAQARLUNI IMALUUNNIIT FERIENGESILLUNI)<br>.....                              | 21        |
| 3.6 AKISSARSIAQARLUNI FEERIARNEQ .....                                                                                                      | 22        |
| 3.7 ANINGAASARSIAT A-T FEERIASSANIK KATERSISSUTAANNGITSUT.....                                                                              | 23        |
| <b>4 AKILERAARUTIT A-T ILANNGAATIGISASSAT SULISOQARNERMULLU AKITSUUTIP NAATSORSORNEQARNERAT ...</b>                                         | <b>24</b> |
| 4.1 AKILERAARUSIGASSAT .....                                                                                                                | 24        |

|                                                                                                                                       |    |
|---------------------------------------------------------------------------------------------------------------------------------------|----|
| 4.2 SKATTEKORTI.....                                                                                                                  | 25 |
| 4.3 TAMAKKIISUMIK AKILERAARUTEQARTITSINERMUT AAQQUSSUSSINEQ.....                                                                      | 30 |
| 4.4 SULISOQARNERMUT AKITSUUTIP (AMA) NAATSORSORNEQARNERA .....                                                                        | 32 |
| 4.5 FEERIARNERMI AKILERAARUTINIK NAATSORSUINEQ.....                                                                                   | 32 |
| 5. NUNANI TAMALAANI SULISUT AAMMA AKILERAARUTIT ILANNGAATIGINERAT .....                                                               | 35 |
| 5.1 AKILERAARTUSSAATITAANEQ .....                                                                                                     | 35 |
| 5.2 AKILERAARUTIT ILANNGAATIGINERAT ATAQATIGIISQ – KALAALLIT DANSKILLU AKILERAARUTAAT .....                                           | 37 |
| 5.3 SULISUNIK NUNANIT ALLANEERSUNIK ATTARTORNEQ.....                                                                                  | 41 |
| 6 ANINGAASARSIANIK ILANNGARTUINEQ.....                                                                                                | 42 |
| 7 AKISSARSIORTUMUT PAASISSUTISSIISUTIT.....                                                                                           | 44 |
| 7.1 AKISSARSIORTUMUT NALUNAARUTIT (AKISSARSIAT ALLAGARTAAT) .....                                                                     | 44 |
| 7.2 FERIEKORTI AAMMA FEERIASSAT PILLUGIT PAASISSUTISSAT .....                                                                         | 44 |
| 8 AKILERAARTARNERMUT AQUTSISOQARFIMMUT PAASISSUTISSIISUTIT – NASSUIAATIT SUKUMIISUT .....                                             | 45 |
| 9 ANINGAASARSIA A-T, AKILERAARUTIT A-T KIISALU SULISOQARNERMUT AKILIUTISSAT PILLUGIT<br>QAAMMATIKKAARTUMIK NASSUIAAT SUKUMIISOQ ..... | 46 |
| 9.1 PIFFISSALIUSAT.....                                                                                                               | 46 |
| 9.2 FEERIARNERMI AJUNNGITSORSIASSAT PILLUGIT NASSUIAAT SUKUMIISOQ .....                                                               | 47 |
| 9.3 PEQQISSAANNGINNEQ SUMIGINNAANERLU.....                                                                                            | 47 |
| 10 AKILERAARUTIT A-T SULISOQARNERMULLU AKITSUUTIP AKILERNEQARNERI.....                                                                | 49 |
| 10.1 PIFFISSAQ EQQORLUGU AKILIINEQ.....                                                                                               | 49 |
| 10.2 KINGUSINAARLUNI AKILIINEQ .....                                                                                                  | 49 |
| 11 AKISSARSIAT ALLAGARTAAT UKIUMOORTUT AAMMA UKIUMOORTUMIK AKISSARSARITITANUT NALUNAARUT<br>.....                                     | 51 |
| 11.1 AKISSARSIAT ALLAGARTAAT UKIUMOORTUT (A11) .....                                                                                  | 51 |
| 11.2 UKIUMOORTUMIK AKISSARSARITITANUT NALUNAARUT (A10) .....                                                                          | 51 |
| 12 SULISITSISUT PISUSSAAFFII ALLAT .....                                                                                              | 53 |
| 12.1 ANINGAASARSIA A-T, AKILERAARUTIT A-T AAMMA SULISOQARNERMUT AKITSUUTIP NAATSORSORNEQARTARNERI<br>.....                            | 53 |
| 12.2 SULISITSISUT ALLATTORSIMAFFIANNI ILANNGUNNEQ.....                                                                                | 53 |
| 13 SULISITSISUNIK NAKKUTILLIINEQ KINGUNERISINNAASAALU .....                                                                           | 55 |
| 13.1 SULISITSISUP PISUSSAAFFII AKIILIINISSAMUT AKISUSSAATITAANERA AAMMA PILLARNEQARSINNAANERA.....                                    | 55 |
| ILANNGUSSAQ 1 – NASSUIAATIP SUKUMIISUP A1-IP IMMERSORNISSAANUT ASSERSUUT .....                                                        | 57 |

# 1 PINGAARNERIT SUUNERI

## 1.1 AKILERAARUTINIK A-NIK UNERARTITSINEQ QANOQ PAASISARIAQARPA?

Sulisitsisup (pissarsisitsisulluunniit) pissarsisussap akissarsiassaanik tunniussinnginnermini, akileraarutinut A-nut akiliutissanik akiligassanullu allanut akiliutissanik ilanngaassinera **"akileraarutininik A-nik unerartitsineq"**-mik taaneqartarpoq. Taava aningaasat unerartinneqartut sulisoq /pissarsisoq sinnerlugu akileraartarnermi oqartussaa-sunut ingerlateqqinneqartarput.

Sulisitsisup sulisuni sinnerlugit akileraarutininik A-nik akiliisarnermigut nalunaarsuisarnermigullu qulakkeerinneqataaffigisarpaa ukiup tulliani Inaarummik naatsorsuutininik aggustip qaammataani nassiussuinermini akileraarutissat sinnerinik akiligissanneqanngissaat.

## 1.2 KINA UNERARTITSISUSSAATITAAVA?

Akileraarutininik A-nik inatsit malillugu unerartitsisussaq taaneqartarpoq unerartitsisussaatitaq.

***Akileraarutininik A-nik unerartitsisussaatitaq tassaavoq kina-luunniit Kalaallit Nunaanni angerlarsimaffilik, aningaasarsianik A-nik tunniussaqartaq.***

Unerartitsisussaatitaq tassaasinnaavoq sulisitsisoq akissarsisitsisoq. Allat aamma unerartitsisussaatitaapput. Asser-suutitut taaneqarsinnaapput siulersuisuni ilaasortaa-nersiutininik, soraar-nerussutisianik paaqqinninnerstiutinillu tunniussisut aamma tunisat akiinik tunniussisut.

Akileraarutininik A-nik unerartitsisussaatitaapput sulisitsisut tamarmik, sulisitsisoq akissarsiortumik ataasiinnarmik sulisoqaraluarpalluunniit imaluunniit ilaannikkuinnaq ikiorteqartaraluarpalluunniit apeqquataatinagu.

Takuuk akileraartarnermut inatsimmi § 76, imm. 1.

## 1.3 AKILERAARTUSSAATITAANEQ

Akileraartussaatitaanerit assigiinngitsut marluupput.

**Tamakkiisumik akileraartussaatitaaneq.** Inuit Kalaallit Nunaanni najugaqartut imaluunniit minnerpaamik qaammatit arfinillit atasuinnarmik Kalaallit Nunaanniittut, feeriallatsiarneq assigisaaluunniit eqqaassaangikkaani, tamakkiisumik akileraartussaatitaapput. Sulinerit qanoq ittulluunniit aamma aningaasarsiat

### UNERARTITSISUSSAATITAANEQ – SUUA?

Unerartitsisussaatitaq tassaavoq akileraarutissanik naatsorsuisoq, unerartitsisoq, nalunaarsuisoq akiliisorlu. Akissarsiat pineqartillugit sulisitsisoq tassaagajuppoq sulisuni sinnerlugu akiliisartaq.

Tassa imaappoq akileraarutissat A-t sulisoqarnermullu akitsuutip qanoq amerlatiginissaat unerartitsisussaatitap naatsorsugassarai. Taamaalilluni aningaasarsianik A-nik tunniussisoq aamma tassaavoq akileraarutissanik unerartitsisussaq.

Aningaasat akileraaruseriikkat aningaasarsisumut tunniunneqarnissaat, aammalu aningaasat qanoq amerlatigisut tunniunneqarsimanerisa akileraarutissanullu qanoq amerlatigisut unerartinneqarsimanerisa Akileraartarnermut Aqutsisoqarfimmut nalunaarutigineqarnissaat unerartitsisussaatitap qulakkiissavaa.

Taava akileraarutit A-t unerartinneqartut sulisoqarnermullu akitsuut Akileraartarnermut Aqutsisoqarfimmit fakturakut akiligassiissutigineqassapput. Akiligassiissutigineqartut unerartitsisussaatitap akilisavai.

A-t sulineq Kalaallit Nunaanni avataaniluunniit suliarineqarsimanersoq apeqqutaatinnagu tamakkiisumik akileraartussaataasutut akileraaruserneqassaaq.

**Killilimmik akileraartussaataaneq.** Inuit Kalaallit Nunaannut tikittut qaammatillu arfinillit ataallugit sulisut Kalaallit Nunaannut killilimmik akileraartussaataassapput. Kalaallit Nunaanni aningaasarsiat pissarsiarineqartut killilimmik akileraartussaataasutut akileraaruserneqartarput.

Sulisitsisut, Kalaallit Nunaannut avataanullu nuuttunik sulisullit sianiginiassavaat, sulisoq qaqugu tamakkiisumik ilaannakuusumilluunniit Kalaallit Nunaannut akileraartussaataaneersoq. **Immikkoortoq 5.1 takuuk.**

#### 1.4 ANINGAASARSIAT A-T

Aningaasarsiat akileraartarnerup silarsuaani pingasunut agguagaapput: aningaasarsiat A-t, aningaasarsiat B-t aamma aningaasarsiat akileraaruteqaataasussaannngitsut. Unerartitsisussaataip aningaasarsiat A-t akileraarutitik A-nik unerartitsiffisussaammagit, aningaasarsiat A-t (tamakkiisumik akileraarutit pineqarpata immikkoortoq 4.3 takuuk), suunerisa ilisimanissaat pingaaruteqarpoq.

Aningaasarsiat A-t ilaatigut tassaapput akissarsiat taakkunungalu tapit suulluunniit, matumani ilanngullugit (2023 aallarnerfigalugu) akeqanngitsumik ajunngitsorsiat sulisitsisup sulisuminut tunniussai atugassiissutigisaaluunniit.

Tunniunneqartartut allat aamma aningaasarsiatut A-tut isigineqarput, soorlu siulersuisuni ilaasortaanersiutit, soraarnerussutisiat, aningaasat utaqqiisit, nipilersortartutut aamma aalajangersimasumik atorfeqartitaanani nutserisutut/oqalutsitut akissarsiat, tunisat akii, paaqqinninersiutit il.il.

Aningaasarsiat A-t, aningaasarsiat B-t aningaasarsiallu akileraaruteqaataasussaannngitsut allattorsimaffiat tamakkiisoq "Kalaallit Nunaanni akileraarutissat ilanngaatinineqarnerat-nut tapiliussami" takusinnaavatit.

Takukkit akileraartarnermut inatsimmi § 75 tassungalu tunngatillugu nalunaarut, Namminersorlutik Oqartussat nalunaarutaat nr. 10, 20. september 2011-meersoq kiisalu Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 11, 1. december 2021-meersoq.

#### 1.5 PIFFISSAQ UNERARTITSIFFISSAQ / PIFFISSAQ ILANNGAASSIFFISSAQ

Akileraarutitik A-nik unerartitsineq/akileraarutitik ilanngaaneq aningaasarsiat A-t tunniunneqalerneranni pissaaq. Kisianni feeriarnermi ajunngitsorsianut aamma qaammammusalinnut siumoortumik akissarsialinnut tunngatillugu maleruagassat allat atuupput.

#### 1.6 NALUNAARUTIGINNITTUSSAATITAANEQ AAMMA KINGUNEQARTITSISARNEQ

Sulisitsisut tamarmik Sulinal-imut nalunaarsortittussaapput.

Sulisitsisup aningaasarsiat A-t, akileraarutit A-t unerartitat, sulisoqarnermut akitsuut (AMA) kiisalu soraarnerussutis-aqalernissamut aqqissuussinernut nunani allamiittunut akiliutit qaammatit tamaasa nalunaarutigisussaavai.

#### PIFFISSAQ UNERARTITSIVIUSUSSAQ

Piffissaq aningaasat tunniunneqarfis-saat unerartitsiffissap assigimmagu, tamanna ima isumaqarpoq aningaa-sarsianik A-nik pissarsisup aningaa-sat akileraaruseriikkat tigussagai.

Aningaasat unerartinneqartut pissar-sisumut (amerlanertigut akissarsiat allagartaatigut) aamma Sulinal-imut nalunaarutigineqassapput. Sulinal-ip paasissutissat tigugunigik akileraa-rutit A-t sulisoqarnermullu akitsuut akiligassiissutigissavai.

Sulisitsisut qaammatisiutit malillugit ukiumi akissarsiat, akissarsianit akileraarutit A-t, sulisoqarnermut akitsuut (AMA), soraarnerussutisiat aningaasarsiallu B-t tamarmiusut pillugit paasissutissat Sulinal-imut ukiut tamaasa nalunaarutigisussaavaat.

Sulisitsisut nalunaaruteqartarnerat Akileraartarnermut Aqutsisoqarfiup nakkutigisaraa. Kukkusumik imaluunniit kingusinaarluni nalunaaruteqarneq kinguneqartinneqarsinnaavoq, soorlu akiliisitsinikkut. Akileraartarnermulli Aqutsisoqarfik sulisitsisunik siunnersuinissaminut aamma piareersimavoq. Ilinnut attaveqartariaqalersinnata illit nammineq attavigisigut.

## 1.7 SULISITSISUP PISUSSAAFFII – SUUPPAT?

Sulisitsisut unerartitsisussaataasullu allat imaaliortussaapput:

- Sulinal-imut Akileraartarnermut Aqutsisoqarfimmiittumut nalunaarsortissapput,
- Akissarsiortut skattekortii tigussavaat, paasissutissallu taakkunaniittut atorlugit,
- Aningaasarsianik A-nik tunniussilernerit tamaasa akileraarutit ilanngaatigineqartussat naatsorsussavaat,
- Feeriarnermi ajunngitsorsiassanit, maleruagassat immikkut ittut malillugit naatsorsorneqartunit akileraarutit ilanngaatigineqartussat naatsorsussavaat,
- Soraarnerussutisiaqarnissamut aaqqissuussinernut nunani allaniittunut sulisitsisut akiliutaannit akileraarutit ilanngaatigineqartussat naatsorsussavaat,
- Aningaasarsiat A-t akileraarutillu A-t naatsorsorneqarfiat aningaasarsisitsinerit tamaasa akissarsiortumut tunniuttassavaat,
- Qaammatip siuliani aningaasarsiat A-t, akileraarutit A-t aamma sulisoqarnermut akitsuut (AMA) pillugit nassuiaammik sukumiisumik (A1) qaammatit tamaasa Sulinal-imut nassiussisassapput, tassani akeqanngitsumik ajunngitsorsiat ass. nerisaqarneq, ineqarneq, angalaneq, biileqarneq, oqarasuaateqarneq internet-eqanerlu ilanngunneqartassapput,
- Qaammatip siuliani akileraarutit A-t unerartinneqartut kiisalu sulisoqarnermut akitsuut il.il. qaammatit tamaasa akilertassavaat.
- Sulisoq soraarnerussutisiaqarnissamut aaqqissuussinernut akiliutinik sulisitsisup akiligaanik pisinnaatitaappat, taakku akileraarutaannik unerartitsissapput akiliillutillu,
- Qaammatisiutit malillugit ukiut qaangiutereernerit tamaasa: Qaammatisiutit malillugit ukiumi aningaasarsiaritit A-t akileraarutillu A-t unerartinneqartut tamarmiusut pillugit akissarsiat allagartaannik (A11-nik) Sulinal-imut nassiussisassapput. Akissarsiat allagartaanni ukiumoortumi aammattaq akissarsiortup soraarnerussutisiaqarnissamut inuunermulluunniit sillimmasiissutaanut, soraarnerussutisiaqarnissamut aaqqissuussinernut nunami allamiittumut sulisitsisup akiliutaanut, kiisalu akeqanngitsumik ajunngitsorsiat aningaasanngorlugit nalingi ilanngullugit nalunaarsorneqartassapput. Sulisoq paasissutissat taakku assilineqarnerannik tunineqassaaq,
- Akissarsiat allagartaannut ukiumoortunut ilanngullugu: akissarsiarititanut nalunaarut ukiumoortoq A10, suliffeqarfiup aningaasarsiarititaanik A-nik akileraarutinillu A-nik unerartitaanik aamma sulisoqarnermut akitsuummik, akeqanngitsumik ajunngitsorsianik kiisalu aningaasarsianik B-nik akissarsiatut tunniutaanik tamarmiusunik imaqartoq nassiutissavaat. Aningaasat akissarsiat allagartaasa ukiumoortut kiisalu nassuiaatit sukumiisut qaammatikkaartumik nassiunneqartut/nalunaarutigineqartut katinnerannut naapertuutissapput,
- Sulisut feeriassat, feeriarnermi ajunngitsorsiassat imaluunniit akissarsiaqarlutik feeriarinnaatitaaneri naatsorsuuteqartissavaat. Feeriarnermi ajunngitsorsiassat taakkualu akileraarutaat A-t pillugit sulisoq paasissutissavaat.
- Sulisut akissarsiaannik ilanngaassueqqullugit sulisitsisutut peqquneqarunik, tamanna malillugu ilanngaattissat naatsorsortassavaat.

## 2 ISERTITAT SUUT ANINGAASARSIAT A-JUPPAT?

Aningaasarsiat A-t suuneri kapitalimi uani eqqartorneqarput. Sulinikkut akissarsianik il.il. (aningaasarsianik A-nik) tunniussilernerit tamaasa tunniunneqartussat akileraarutaat A-t naatsorsorneqartassapput. Imaassinnaavoq akileraarutit A-t 0,00 kr-iusut, taamaakkaluartorli tunniunneqartut aningaasarsiatut A-tut isigineqassapput. Allattorsimaffik tamakkiisoq uaniippoq 'Kalaallit Nunaanni akileraarutissat ilanngaatigineqarnerat-nut tapiliussaq'.

Sulisitsisuugaanni allaagaanniluunniit aningaasarsianik A-nik tunnissisartoq, taava aningaasarsiat A-t suunerat ilisimassallugu pingaartuuvoq. Tamanna akileraarutini A-nik unerartitsinissap (akileraarutini ilanngaaniissap) unerartitsisussaataitami isumagineqartussaananerani pissuteqarpoq. Unerartitsisussaataitavoq sulinikkut akissarsianik il.il. tunniussinissami akiliisussa (sulisitsisoq taassumaluunniit piginnaatitaa). Sulisitsisuuguit allaaguilluunniit aningaasarsianik A-nik tunniussisussa, taava akileraarutini akiliinissap eqqortumik pinissaa illit qulakkiigassaraat.

Aningaasarsianut A-nut ilaapput:

- Suliffeqarnermut (atorfinititaanermut) atatillugu sulinermi inuup aningaasanngorlugit aningaasarsiai akissarsiaalu - tassa imaappoq aningaasarsiat tapini sunik tamanik ilallit aamma akeqanngitsumik ajunngitsorsiat sulisitsisumit akileneqartut nalingi.
- Siulersuisuni, ataatsimiititaliani, isumalioqatigiissitani, siunnersuisoqatigiinni assigisaanniluunniit ilaasortatut ikiortitulluunniit ajunngitsorsiat.
- Tunniunneqartartut allat (soraarnerussutisiat, aningaasat utaqqiisit, pisortanit pensionit tunngaviusut, naartunermi ernereermermi meeravissiaartaarnermilu sulinngiffeqarnermi ullormusiat, aningaasarsianut annaasanut imaluunniit suliffissaagaluanut annaasanut taartisiat, namminersuutigalugu tusarnaartitsisartutut, isiginnaartitsisartutut, nipilersortartutut, atuakkiortutut, allatullu eqqumiitsuliortutut, timersortartutut, allaaserinnittartutut, dommeritut, eqqartuusseqataasutut, illersuisutut, aalajangersimasumik atorfeqartitaanani nutserisutut ingerlatsinermi akissarsiat aammalu tunisinermi isertitat il.il.), Naalakkersuisut akileraartarnermut inatsimmi § 75, imm. 2 aamma 4 naapertorlugit, Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaanni aalajangersarsimasaat.
- Tunisinermi isertitat.

Aningaasarsisiteriaatsip qanoq iluseqarnera (aningaasarsiat aalajangersimasuuneri nikerartuuneri-luunniit) apeqqutaanngilaq. Taamaattumik soorlu sillimmasiisarfinni tuniniaasut il.il. tunisatig tunngavigalugit akissarsiaat aningaasarsiaapput A-t.

### 2.1 SULIFFEQARNERMI / ATORFINITSTINERMI PISSUTSIT

Suliffeqarnermi atorfeqarnermiluunniit akissarsiat tassaapput aningaasarsiat A-t. Qaagukkulliuna atorfeqartoqartartoq?

Suliffeqarnerup/atorfeqarnerup ilaatigut ilisarnaatigaa, aningaasarsiortup suliassani sulisitsisup innersuussutai malillugit, taassumalu akiligaanik suliarisarmagit.

Matumani apeqqutaanngilaq aningaasarsiortup akissarsiat pingaarnertut saniatigooraluguluunniit sulinermigut isertitarinerai, aningaasarsianilluunniit allanik akileraarutinit B-nut akiliuteqaataasussanik isertitaqarnerisoq.

Atorfeqartoqarnissaa aalajangiisuunngilaq. Suliffeqarneq sivikitsuinnaagaluarpalluunniit - assersuutigalugu akissarsiortoq ullormi ataasiinnarmi, allaalluunniit sivikinnerusumi sulisineqarsimappat aningaasarsiat aamma A-jussapput. Aamma taamaappoq aalisartoq aallarnermi ataatsimi ikiorteqarsimappat. Akissarsiat annertussusii apeqqutaanngillat.

Suummi aningaasarsiat A-junngillat? Aningaasarsianut B-nut assersuutissaavoq namminersorluni inuussutissarsiummik ingerlataqarneq. Namminersorluni inuussutissarsiummik ingerlataqarnerup ilisarnaatigaa, nammineq akilerlugu annaasaqaatisinnaallugulu sinneqartooruteqarnissaaq siunertarlugu aningaasarsiorluni inuussutissarsiummik ingerlataqarneq. Nioqqutissattaaq akeqanngitsut, soorlu nammineq pisat aammalu nioqqutissat savaatilittut, iffiortutut nerisassaarniarfiutilittulluunniit pissarsiarineqarsinnaasut aningaasarsianut A-nut ilaanngillat.

Aningaasarsiat suliffeqarnikkut aningaasarsiat A-junerat namminersorluniluunniit inuussutissarsiummik ingerlataqarnikkut aningaasarsiat B-unerat nalornissutigineqarpat, sulinerup ataatsimut isigalugu suunera sulisitsisup aalajangiinnermini tunngavigissavaa. Aningaasarsisitsisup suliamik siulersuisinnaanera agguataarisinnaaneralu, matumani aamma suliamik nakkutilliisinnaanera qanorlu suliarineqarnissaanik ilitersuisinnaanera matumani ilaatigut pingaartinneqassapput.

Takuuk akileraartarnermut inatsimmi § 75, imm. 5.

Nalornissuteqaruit Akileraartarnermut Aqutsisoqarfimmi Sulisitsisut Nalunaarsorsimaffiannik suliaqartartut, Sulinal attavigiuk [sulinal@nanoq.gl](mailto:sulinal@nanoq.gl)

## 2.2 AKISSARSIANUT TAPIT IMMIKKULLU TUNNIUNNEQARTARTUT TASSAAGAJUPPUT ANINGAARSIAT A-T

Tapinut allanullu immikkut tunniunneqartartunut, suliffeqarnermi akissarsianut ilanngunneqartussanut assersuutigineqarsinnaapput

- Qaangiuttoornermi, piffissap suliffiup allanngorartuunerani, sapaammi sulinermi, unnuakkut sulinermi assigisaannilu akissarsiat,
- Akortisiat, akissarsiat immikkut ittut kiisalu oqaatsit pillugit tapit, formanditut tapit aamma pisinnaasat naapertorlugit tapit,
- Kiffartulussinnarnaveeqqutit, iluanaarutinit kajumissaatitut tapisiat, nalliuttorsiornermut atasumik akissarsiat, agguagarsiat assigisaallu,
- Nalliuttorsiornermut (nalliuttorsiornermulli atasumik tapisiat, maleruagassat tjenestemandinut atuuttut malillugit tunniunneqartut ilanngunnagit), soraarnermut, napparsimanermit aamma ilaqutariinni nalliuttorsiortoqarneranut atatillugu immikkut tunniunneqartut tunissutilluunniit,
- Tapiissutit aningaasanngorlugit tunniussat (ineqarnermut, biileqarnermut il.il. tapiissutit) tamarmik aningaasarsiaapput A-t,

### QAQUGUKKUT ATORFINITTOQARTARPA?

Sulisitsisusimassaait:

- Inuup allap piffissami sivikinnerusumi sivilisunerusumiluunniit sunik suliaqarnissaa aalajangertarukku.
- Inuup taassuma piffissami tassani sulinera akilertarukku.

Atorfeqartoqarnerani sulisitsisup akileraarutiniq unerartitsisusaaanera atuuttarpoq.

### TAPIT – NAATSUMIK

Tapit aningaasarsiatut A-tut isigineqartarput, akissarsiat tapiliunneqarfigi-satik aningaasarsiatut A-tut isigine-qarpata.

- Akeqanngitsumik ajunngitsorsiat nalingi.

Ataatsimut isigalugu oqartoqarsinnaavoq, tunniunneqartut suulluunniit akissarsiortup sulineranut akiliutitut sulisitsisup tunniussai tamarmik aningaasarsiaasut A-t.

Takuuk akileraartarnermut inatsimmi § 75.

### 2.3 ANINGAASARSIAT IMMIKKUT ITTUT ANINGAASARSIAT A-JUSUT

Aningaasarsiat immikkut ittut, aningaasarsiatullu A-tut isigineqartut makkuusinnaapput (allattorneqartut tamakkiisuunngillat):

- **Aalisartup procentisilluni akissarsiai aamma agguagarsiai**

Imaappoq aalisartup (angallammik piginnittup attartortulluunniit) ikiortini, aallarnerit tamaasa tunisanit isertitami ilaannit procentisillugit akissarsisikkaangagit. Aamma taamaappoq kingusinnerusukkt agguagarsiaassanik tunniussisoqassatillugu.

- **Taxanik ingerlatitsisut akissarsiortullu allat sullitanit akiliiffigineqartartut**

Imaappoq akissarsiortoq aningaasanik sulisitsisumi pissaanik, sullitanit assigisaannillu akiliiffigineqaraangat, aningaasallu ilaat nammeneq akissarsiaassamisut tigummiinnarlugit. Aamma taamaappoq taxanik ingerlatitsisup taxanik piginnittumik angallassissussinermigut aningaasarsiai aningaasarsiaapput A-t. Aamma taamaappoq akissarsiai isertitanik tunngaveqaraluarpataluunniit. Aatsaat taxanik piginnittoq nammeneq angallassippat tamanna namminersorluni inuussutissarsiummik ingerlatsinerussaaq, isertitallu aningaasarsiat B-ussallutik.

- **Sunngiffimmi suliffeqarneq**

Imaappoq assersuutugalugu allaffimmioq namminersorluni inuussutissarsiummik ingerlataqartup naatsorsuutaanik sunngiffimini, akimik erseqqinnerusumik isumaqatigiissutaasumik akilernerqarluni suliaqaraangat. Tamanna atuuppoq nalunaaquttap akunnermusiaqartitsisoqarnera imaluunniit qaammammut ukiumulluunniit aalajangersimasumik akissarsiaqartitsisoqarnera apeqqutaatinnagu.

- **Selskabini direktørit**

Imaappoq aktie- imaluunniit anpartsselskabimi direktøri selskabimit akissarsigaangat. Tamanna atuuppoq akissarsiaasat aalajangersimasumik amerlassusiligaanngikkaluarpataluunniit, aammalu pineqartoq anpartitigut aktiatigulluunniit piginneqataassutininik amerlanerpaanik piginnittuugaluarpalluunniit.

- **Nipilersortartoqatigiit**

Imaappoq sutorniartarfiutilik imaluunniit peqatigiiffik nipilersortartoqatigiinni peqataasunut ataasiakkaanut akissarsisitsigaanngat. Tamanna atuuppoq nipilersortartoqatigiit piffissami aalajangersimasumi unnummiluunniit ataasiinnarmi nipilersorsimagaluarpataluunniit, aammalu akissarsiaasat nipilersortartup inuulluunniit allap pisassarigaluarpagilluunniit.

- **Paarsinersiutit**

Paarsinersiutit ukioq aningaasarsiorfik 2025 aallarnerfigalugu aningaasarsiatut A-tut isigineqalerput. Paarsinersiutit aningaasartaat tapiilu erseqqissumik takuneqarsinnaapput "Akigititanut quppersagaq - Isumaginninnermi akigitat - 1. januar 2025"-mi Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfiup aamma Meeqqanut Inuusuttunullu Naalakkersuisoqarfiup suliarisimasaanni.

- **Aningaasat utaqqiisit**

Aningaasat utaqqiisit pisortani atorfilinnut, assigiinngitsunik pissuteqarlutik atorfimminnik isumaginnissinnaanngikkallartunut, atorfimminnili suliartoqquneqaratarsinnaanerminnik attassiinnartunut tunniunneqartarput. Tassaapput piffissami ikaarsarfiusumi ingerlaavartumik isertitaqarnissamik qulakkeeriniarluni taartisiatullusooq tunniunneqartartut. Inuit pineqartut tassaasinnaapput tjenestemandit soraarsitaasut. Aningaasat utaqqiisit aningaasarsiaapput A-t.

- **Oqalutsit/Nutserisut**

Inuit oqaluttaanermik/nutserinermik ingerlataqartut akissarsiaat aningaasarsiatut A-tut, akileraarutini A-nik unerartitsiffigissatut isigineqarput. Oqalutsi/Nutserisoq nutserisoqarfimmi sulisuuppat nutserisoqarfik pineqartumut sulisitsisusaaq, oqalutsillu/nutserisullu akissarsiai tassaassapput aningaasarsiat A-t. Nutserisoqarfik sullissineranut akiliiffigineqartarpoq (taakku aningaasarsiat B-jupput).

## 2.4 ULLORMUSIAT ANGALANERMILU AJUNNGITSORSIAT

Ullormusiat angalanermilu ajunngitsorsiat, inuiaqatigiinni sulianut atatillugu angalanerni najugaqarnerni nerisaqarnernilu aningaasartuuteqarnerunernut matussutissatut tunniunneqartartut, imaluunniit maleruagassat tjenestemandinut atuuttut malillugit tunniunneqartartut akileraaruteqaataasusaaqanngillat. Taamaammat aningaasarsianut A-nut ilanngunneqassanngillat.

Takuuk akileraartarnermut inatsimmi § 34, nr. 8.

Tamatumani piumasaavoq Kalaallit Nunaanni nalinginnaasumik najugarisaq qimassimagallarlugu allamiikkallarnissaq Aningaa-sat angissusii maleruagassat tjenestemandinut atuuttut malillugit tunniunneqartartunit minneruppata, aningaasat (ikinnerusut) tunniunneqartut akileraaruteqaataassanngillat, aatsaalli maleruagassat tjenestemandinut atuuttut allat (tunniussinissami piumasaasut) aamma eqquutsinneqarpata. Aningaasat angissusii maleruagassat tjenestemandinut atuuttut malillugit tunniunneqartartunit angineruppata, aningaasat maleruagassat tjenestemandinut atuuttut malillugit tunniunneqartartunit amerlanerussutaasut kisimik akileraaruteqaataassapput. "Angissutsit nalinginnaasut" akileraaruteqaataassanngippata maleruagassat tjenestemandinut atuuttut allat (tunniussinissami piumasaasut) aamma eqquutsinneqarnissaat piumasaavoq.

Akileraartarnermut inatsimmi § 34, nr. 8 taamaallaat inunnut

Kalaallit Nunaanni angerlarsimaffeqartunut atuuppoq. Inuit

Kalaallit Nunaata avataani angerlarsimaffeqartut aammalu soorlu sulillutik Kalaallit Nunaanniinnerminni nerisassarsiutissanik ullormusianillu pisartut taakkunannga akileraartussanngussapput, aatsaalli killilimmik akileraartussaataalissagaluarunik. **Immikkoortoq 5.1** akileraartussaataitanermut tunngasoq **takuuk**.

## 2.5 SULISITSISOQ SINNERLUGU AKILIUTIT ANINGAASARSIAT A-JUNNGILLAT

Sulisoq aningaasanik, aningaasartuutitut sulisitsisuni sinnerlugu matussutissaminik tunineqarpat, taakku aningaasarsiat A-junngillat. Tassaasinnaapput angalanermi najugaqarnermilu aningaasartuutitut akiliussineq.

### ULLORMUSIAT ANGALANERMILU AJUNNGITSORSIAT

Ullormusiat angalanermilu ajunngitsorsiat tunngaviatigut tassaapput akileraaruteqaataasusaaqanngitsut, tassa imaappoq aningaasarsiat A-junngitsut, aatsaalli tjenestemandit ullormusiaat sinnerlugit angissuseqanngikkunik.

Angissutsit taakku Namminersorlutik Oqartussat kommunillu malippaat. Ullormusiat angissusii uani takusinnaavatit [www.asa.gl](http://www.asa.gl)

Sulisooq aningaasanik nammineq aningaasartuutiminut matussutissanik tunineqarpat, taakku tassaassapput akeqanngitsumik ajunngitsorsiat sulisitsisup akiligai aningaasarsiat A-jusut imaluunniit aningaasarsiatut allatut A-tut isigineqartut.

Aningaasartuutit sulisitsisoq sinnerlugu akilernerqarnerat sulisumit sulisitsisumillu uppersarsarneqarsinnaaqullugu sulisoq naatsorsuusiussaaq, aammalu uppersarsaatit assilisaanngitsut sulisitsisup naatsorsuutaaniittussaapput.

## 2.6 INUINNAAT ILLUMI IKIORTAAT

Nammineq angerlarsimaffimmi illumi ikiortip allatulluunniit ikiortip akissarsiai tassaangillat aningaasarsiat A-t. Tamannali taamaallaat atuuppoq ikiorti pineqartoq sulisitsisup nammineq angerlarsimaffiani ikiortitut taamaallaat sulippat.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 8, imm. 2.

Ikiorti sulisitsisup illuani aammalu taassuma - aapparisaataluunniit - suliffeqarfiutaani sulisarp, aningaasarsiat ilaat suliffeqarfiup ingerlatsinermi aningaasartuutaasut ilanngaatineqarsinnaapput. Taamaattoqartillugu aningaasarsiat tamarmik aningaasarsiaapput A-t aningaasarsisitsinermilu akileraarutit A-t unerartinneqartassapput.

### ILLUMI IKIORTEQARNEQ – NAATSUMIK

Inuk illit nammineq angerlarsimaffinni illumi ikiortitut sulisikkukku aningaasarsiai aningaasarsiat A-junngillat. Tassaapput aningaasarsiat B-t, imaapporlu aningaasarsititavit nammineerluni nalunaarsuiffimmini nalunaarsugassarigai.

## 2.7 ANINGAASARSIAT SIUMOORUTIT AAMMA SULISITSISUMIT TAARSIGASSARSIAT

Aningaasarsiassanit siumoorutit aningaasarsiatut A-tut isigineqassapput.

Akerlianilli sulisitsisup akissarsiortoq aningaasanik taarsigassarsisippagu, taakku aningaasarsiat A-junngillat. Taamaattoqarpat taarsigassarsineq uppersarsarneqartariaqassaaq, soorlu assersuutigalugu akiitsoqarnermut uppersarsaat ernianik akilersuinissamullu pilersaarummik allaqqasortalik, soorluttaaq aningaasat taarsigassarsiarititat sulisitsisup aningaasarsiarititatut nalunaarsorsinnaanngikkai. Taarsigassarsiat aningaasarsianit ilanngaassuinikkut akilersortinneqarpata tamanna akileraarutit ilanngaatineqartussat naatsorsornerannut attuumassuteqanngilaq.

### TAARSIGASSARSIAT – NAATSUMIK

Taarsigassarsiat akileraaruteqaataa-sussaangillat.

Taarsigassarsiaanerisa uppersarsaatissaat eqqaamallugu

Akileraarutit A-t naatsorsorneqarneranni aningaasarsiat tamarmiusut aallaavigineqassapput.

Sulisunut taarsigassarsiarititat isumakkeerneqartillugit aningaasat isumakkeerneqartut aningaasarsianut A-nut ilanngunneqassapput, aningaasallu isumakkeerneqartut akileraarutinik A-nik unerartitsiffigineqassapput.

## 2.8 KIFFARTUUSSINERMI KAJUMISSAATISSIISUTIT (DRIKKEPENGIT) ANINGAASARSIAT B-JUPPUT

Kiffartuussinermi kajumissaatissiissutit aningaasarsiaapput B-t. Taamaammat kiffartuussinermi kajumissaatissiissutit pissarsisup taakku nammineerluni nalunaarutigisussaavai. Taamatuttaaq aamma pissarsisup kiffartuussinermi kajumissaatissiissutit imerniartarfimmi akeqanngitsumik imigaasa nalingi nalunaarutigineqartussaapput. Sulinermi nerisassanik imeruersaatinillu sassaallerfigineqarnerup aningaasannorgulugit nalingi isertitatut A-tut nalunaarsorneqassapput.

Takukkit Namminersorlutik Oqartussat nalunaarutaanni nr. 10, 20. september 2011-meersumi § 8 imm. 1 aamma akileraartarnermut inatsimmi § 74, oqaaseqatigiit aappaat.

Sulisitsisoq kiffartuussinermi kajumissaatissiissutit sulisuminut tunniussippat, taakku tassaassapput tapit aningaasarsiat A-jusut.

## 2.9 MEEQQAT AKISSARSIAAT – AKILERAARUTAASARNERAT ILANNGAATIGINEQARSINNAANERALLU

Nammineq meerarisamut, meerassamut, meerarsiamut imaluunniit ernguttamut akissarsiarititat, meeraq qaammatisiutit malillugit ukiumi pineqartumi 1. januar sulit 15-inik ukioqalersimanngippat, namminersorluni inuussutissarsiummik ingerlataqartup aningaasarsiaasa akileraaruteqaataasussat naatsorsorneranni ilanngaatigineqarsinnaanngillat, taamatullu aamma akissarsiat meeqqap aningaasarsiaanut akileraaruteqaataasussanut A-nut ilanngunneqassanatik. Taamaattumik nam-mineq meerarisap il.il. akissarsiai akileraarutit ilanngarneqassanngillat. Tamannali atuutinngilaq suliffeqarfik selskabiuppat il.il., sulinerullu annertussusia uppersarsarneqarsinnaappat.

Takuuk akileraartarnermut inatsimmi § 5, imm. 3.

Allatigulli tamatigut meeqqat akissarsiaat aningaasarsiaapput A-t, akissarsiallu amerlassusii apeqqutaatinnagit maleruagassat nalinginnaasut malillugit pineqassallutik.

Takuuk akileraartarnermut inatsimmi § 5, imm. 2.

### **MEEQQAT AKISSARSIAAT – NAATSUMIK**

Qitornavit ukioq 15-iliiffissartik tikillugu akissarsiaat akileraaruteqaataasussaanngillat. Aammali ilanngaatigineqarsinnaanngillat.

Meeqqat qanoq sivilutigisumik sulisinnaanerat pillugu inatsiseqarnera eqqumaffigineqassaaq.

## 2.10 SIULERSUISUNI ILAASORTATUT AKISSARSIAAT ANINGAASARSIAT A-JUPPUT

### **Siulersuisuni ilaasortatut akissarsiat il.il.**

Siulersuisuni, ataatsimiititaliani, isumalioqatigiissitani, siunnersuisoqatigiinni assigisaanniluunniit ilaasortatut ikiortitulluunniit ajunngitsorsiat aningaasarsiat A-jupput.

Takuuk akileraartarnermut inatsimmi § 75, imm. 2.

Apeqqutaanngilaq aktie- imaluunniit anpartsselskabit, peqatigiiffit, namminersorluni imaluunniit pisortat pigisaattut ingerlatsiviit imaluunniit pisortatigoortumik siunnersuisoqatigiit assigisaalluunniit pineqarnerut. Aamma apeqqutaanngilaq suliaq inuussutissarsiutitut imaluunniit inuinnartut ingerlanneqarnerisooq, soorlu assersuutigalugu timersoqatigiiffiunersooq, piginneqatigiilluni illuutileqatigiit peqatigiiffigineraat imaluunniit inuk pineqartoq ataatsimeersuarnermi qinigaanersooq allatulluunniit toqqagaanersooq. Kiisalu aamma

apeqqutaanngilaq nammineq kajumissuseq tunngavigalugu ilaasortaneq, imaluunniit suliaq soorlu assersuutigalugu inuiaqatigiinnik sullissinerunersoq.

Tassa imaappoq peqatigiiffimmi siulittaasup, aningaaserisup siulersuisuniluunniit ilaasortap akissarsiai aningaasarsiaapput A-t. Tamanna aamma atuuppoq assersuutigalugu kommunalbesty-relsini ilaasortatut, siulersuisuunerni ilaasortatut, ataatsimiinnermi aallartitatut peqataasutut ataatsimeersuarnernilu ilaasutut akissarsianut, matumani aamma sulinermi isertitassaraluanut annaa-sanut taartisianut. Taamatuttaaq aamma sulisut sinniisaasa, suliffeqarfiup siulersuisuini ilaasortatut qinikkat akissarsiaat aningaasarsiaapput A-t.

Siulersuisunut, ataatsimiititalianut il.il. ikiortit akissarsiaat aamma tassaapput aningaasarsiat A-t, tassa atorfinitsinneqarsimanngikkaluaraanniluunniit. Taamaattorli piumasaavoq aalajangersimanerusumik attuumas-suteqarnissaq. Taamaattumik ilaannikkuinnaq, soorlu assersuutigalugu inatsisilerituumik kukkunersiui-sumilluunniit ikiorteqarnermi akissarsiaritit aningaasarsiat A-junngillat, tassaallutilli aningaasarsiat B-t.

## 2.11 AKEQANNGITSUMIK AJUNNGITSORSIAT ANINGAASARSIAAT A-JUPPUT

Akeqanngitsumik ajunngitsorsiat tassaapput ajunngitsorsiat sulisitsisup akiligai sulisuminullu atugassiissutigisai. Akeqanngitsumik ajunngitsorsiat ilaat 2023-mi januar aallarnerfigalugu tassaalerput aningaasarsiat A-t akileraarutininik unerartitsiffiusussat, sulisitsisumillu nalunaarutigineqartussat.

- Akeqanngitsumik ajunngitsorsiat taakku ilaatigut tassaapput:
- Akeqanngitsumik biileqartitaaneq
- Akeqanngitsumik ineqarneq
- Akeqanngitsumik nerisaqarneq
- Akeqanngitsumik najugaqarneq (inigivitamik, najugarigallakkamik imaluunniit utaqqiisaasumik najugarigallakkamik)
- Akeqanngitsumik pequteqartitaaneq
- Akeqanngitsumik oqarasuaateqarneq
- Akeqanngitsumik interneteqarneq

Nalinga akileraaruteqaataasussaq tamatigut tassaannilaq aningaasartuutiviusut amerlaqataat. Assersuutigineqarsinnaavoq akeqanngitsumik interneteqarneq assigiimmik akileraaruserneqartarmat, internetip qanoq sukkatiginera akisutigineraluunniit apeqqutaatinngu.

Akeqanngitsumik ajunngitsorsiat nalingi ilaatigut takuneqarsinnaapput akileraartarnermut inatsimmi §§-ini 19-imiit 19 c-mut, allallu Akileraartarnermut Aqutsisoqarfiup ilitsersuutaani ukiut tamaasa tamanut nalunaarutigineqartartuni takuneqarsinnaallutik.

Akeqanngitsumik ajunngitsorsiat nalinginik angissusiliinerit pillugit nalunaarutit Akileraartarnermut Aqutsisoqarfiup internetikkut nittartagaaniipput: <https://aka.gl/emner/borger/meddelelser>.

Takuuk Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 11, 1. december 2021-meersoq.

Aamma takuuk Akeqanngitsumik biileqartitaanerup nalinga pillugu Akileraartarnermut Aqutsisoqarfiup kaajallaasitaa, angallassissutitut assigiinngitsunut sulisitsisup sulisunut atugassiissutigisaanut akigititanik nalunaarutiginnittoq.

Sulisorisamut ajunngitsorsiassatut sulisitsisumit akilernerqartartut allat, akeqanngitsumillu atorneqarsinnaa-sunngortinneqartartut akileraarutaasussaakkajupput taammaammallu aningaasarsiatut A-tut isigineqar-tussaallutik. Ass. aviisinik pisartagaqarneq.

**Takussutissaq – Ajunngitsorsiassat akeqanngitsut aamma 2025 januar sulisumut akileraarusiineq.**

| <b>Akissarsiat imaluunniit<br/>ajunngitsorsiassat akeqanngitsut</b> | <b>Akigititat 2025</b> | <b>Naatsorsornera</b>                                               |                   |
|---------------------------------------------------------------------|------------------------|---------------------------------------------------------------------|-------------------|
| Akissarsiat, Aningaasarsiat A-t                                     |                        |                                                                     | 36.000 kr.        |
| Akeqanngitsumik biileqartitaaneq<br>januar, ullut 31-t              | 76.588 kr.             | 76.588 kr. /365*31                                                  | 6.505 kr.         |
| Akiliunneqarluni<br>oqarasuaateqartitaaneq                          | 6.000 kr.              | 6.000 kr. / 12                                                      | 500 kr.           |
| Akeqanngitsumik<br>interneteqarneq                                  | 6.000 kr.              | 6.000 kr. / 12                                                      | 500 kr.           |
| Aningaasarsiat A-t tamarmiusut                                      |                        |                                                                     | <hr/> 43.505 kr.  |
| Akileraarutitut ilanngaas                                           | 5.833 kr.              |                                                                     | -5.833 kr.        |
| Akileraarusigassat                                                  |                        | 43.505 kr. - 5.833 kr.                                              | 37.674 kr.        |
| Akileraarutit ilanngaatiginerat                                     | 42%                    | 37.672 kr.-t 42 %-ii                                                | 15.882 kr.        |
| Ilanngaaseereerluni akissarsiat<br>tunniunneqartussat               |                        | 36.000 kr.<br>- 15.882 kr.<br>- 6.505 kr.<br>- 500 kr.<br>- 500 kr. | <b>12.673 kr.</b> |

Sulisitsisut nalunaarsorneqarfiannut tulluuttut nalunaarutigineqassapput:

|                                                             |            |
|-------------------------------------------------------------|------------|
| Aningaasarsiat A-t .....                                    | 43.505 kr. |
| Akileraarutit A-t.....                                      | 15.882 kr. |
| AMA namminerisat 1,9% (2026-mi akigititat malillugit) ..... | 914 kr.    |



## 2.12 SORAARNERUSSUTISIASSAT ANINGAASARSIAT A-JUPPUT, AKILIUTIGINEQARNERMINNI TUNNIUNNEQALERNERMINNILUUNNIITAKILERAARUSERNEQARTUSSAT

Soraarnerussutisiassat soraarnerussutisiaqalernissamut aaqqissuussinerni Kalaallit Nunaanniittuneersut, aningaasat utaqqiisit assigisaallu akileraaruteqaataasussat aningaasarsiat A-jupput tunniunneqalernerminni akileraarutini A-nik unerartitsiffiusussat. Pineqartunuttaaq ilaapput soraarnerussutisiaqarnissamut aningaasaateqarteqarfinit imaluunniit sillimmasiisarfinit, atorfirmut attuumassuteqanngitsumik sillimmaserneqarnissamik isumaqatigiissuteqaataasimasoq naapertorlugu tunniunneqartut, tunniunneqartut makkuuppata:

- Utoqqalinersiutit (inuunerup sinnerani tunniunneqartussat)
- Innarluuteqalernermi soraarnerussutisiat
- Aapparisaq toqukkut qimagunnerani pisartakkat
- Meeqqat toqukkut qimagaasut pisartagaat
- Imaluunniit sillimmaseeriaatsit taakku akuleriissillugit pisartakkat

Takuuk Namminersorlutik Oqartussat nalunaarutaat nr. 10, 20. september 2011-meersoq, § 7 imm. 5.

**Malugiuk:** Soraarnerussutisiaqarnissamut aaqqissuussinernut Kalaallit Nunaanniittunut, piumasaqaatinillu aalajangersimasunik naammassinnittunut akiliutit aningaasarsiat 20%-ii tikillugit amerlassusillit ilanngaatigineqarsinnaapput imaluunniit sulisitsisup akileeqataassutai ilanngunneqartussaangillat.

Ilanngunneqartussaangitsaq imaak paasineqassaaq: tassa isertitanut akileraarutaasussanut ilanngunneqassanngitsaq.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 7, nr. 3.

*Tamanna ima paasineqassaaq, soraarnerussutisiaqarnissamut aaqqissuussinernut Kalaallit Nunaanniittunut akiliutit taakku sulisitsisup akileraarutini A-nik unerartitsiffigissanngikkai. Soraarnerussutisiassat taakku tunniunneqalerpata unerartitsisussaatitaasoq tassaavoq soraarnerussutisiaqalernissamut sillimmasiisarfik.*

Soraarnerussutisiassat akiliutigineqarnerminni tunniunneqalernerminniluunniit akileraaruserneqarnissaannik maleruagassami naatsorsuutaavoq, soraarnerussutisiassanik tiguisalernissaq aatsaat ukiut soraarninngorfissat nallerneranni pissasoq. Soraarnerussutisiassat ukiut soraarninngorfissat nallertinnagit tiguneqartut akitsuuserneqartarput.

Takuuk Aningaasarsianit akileraarutit pillugit Inatsisartut inatsisaanni § 46.

### **SORAARNERUSSUTISIASSAT – KALAALLIT NUNAANNI IMALUUNNIIT NUNAMI ALLAMI**

Soraarnerussutisiassat sulisitsisumit akilerneqartut Sulinalimut nalunaa-rutigineqartussaapput.

Sulisitsisutut sulisuit soraarnerussutisiassaannut akiliutit akilertarukkit, qanoq akileraaruserneqarnissaat pillugu maleruagassat assigiinngillat, sulisut soraarnerussutisiaqalernissamut aaqqissuussinermik Kalaallit Nunaanniittumik imaluunniit Kalaallit Nunaata avataaniittumik peqarnerat apeqqutaatillugu.

Soraarnerussutisiassanut Kalaallit Nunaanniittunut akiliutit ukiumut ataasiarluni akissarsiat allagartaanni ukiumoortumi nalunaarutigineqartarput. Nunani allaniittunut akiliutit qaammatikkuutaartumik nassuiaammut sukumiisumut ilanngullugit nalunaarutigineqartarput.

Soraarnerussutisiassat Kalaallit Nunaanniittut akileraaruserneqartasapput tiguisussamut tunniunneqalernerminni. Matumani unerartitsisussaatitaavoq soraarnerussutisiaqarnissamut sillimmasiisarfik.

Soraarnerussutisiassat Kalaallit Nunaata avataaniittut akilerneqalernerminni akileraaruserneqartarput. Matumani unerartitsisussaatitaavoq akiliisoq.

### **Sulisitsisutut sulisuit soraarnerussutisiaqalernissamut aaqqissuussinernut nunami allamiittumut akiliisaruit**

Soraarnerussutisiaqalernissamut aaqqissuussinernut Kalaallit Nunaata avataaniittunut akiliutit sulisitsisumit akilerneqartut aningaasarsiat A-jupput. Soraarnerussutisiaqalernissamut aaqqissuussinermut nunami allamiittumut akiliutit sulisitsisup akissarsiat ilaattut akilerpagit, aningaasat piffissami akilerneqarfianni akileraaruserneqassapput. Sulisitsisoq unerartitsisussaataavoq. Soraarnerussutisiaqalernissamut aaqqissuussinernut Kalaallit Nunaata avataaniittunut akiliutit qaammatikkuutaartumik nassuiaammi sukumiisumi nalunaarutigineqartarput. Soraarnerussutisiaqalernissamut aaqqissuussinernut nunani allaniittunut akiliutit akileraarutaat A-t aamma qaammatikkuutaartumik nassuiaammi sukumiisumi nalunaarutigineqartarput.

### **Ingerlaavartumik tunniunneqartartut, suliunnaareernermi aningaasarsiat, soraarnermi ajunngitsorsiat assigisaallu.**

ATP (Arbejdsmarkedets Tillægspension) soraarnerussutisiaqalernissamut ataatsimoorussamik katersiviuvoq, innuttaasunut qallunaat nunaanni sulisimasunut atuuttoq. ATP aningaasarsiat A-jupput. Sulisorisaq qallunaat nunaanni sulisimappat ATP-mullu aaqqissuussamut ilaaginnarnissamik kissaateqarpat, sulisitsisoq immersuisussaavoq. Sulisorisaq qallunaat nunaanni danskit suliffiutaanni sulisimanngippat ATP-imut akiligissanneqaranilu akiliunneqartassanngilaq.

Aningaasat soraarnerussutisiatut aningaasatulluunniit utaqqiisitut taanagit sulisitsisup sulisorisimasaminut taakkualuunniit qanigisaannut ingerlaavartumik tunniuttagai – tassa imaappoq nammineq kajumissutsimik soraarnerussutisianut assingusutut tunniunneqartartut - tiguisumut aningaasarsiaapput A-t. Tamanna atuuppoq tunniunneqartartut ingerlaavartumik tunniunneqartarpata ilaannikkuinnarluunniit tunniunneqartarpata, soorlu ukiumoortumik tunniunneqartarpata.

Takuuk akileraartarnermut inatsimmi § 75, imm. 1.

Tamanna aamma atuuppoq suliunnaareernermi aningaasarsianut toqusup qimagaanut piffissami sivilisunngitsumi tunniunneqartartunut. Tunniunneqartut toqusumut aningaasarsiat A-junatik aningaasanik tiguisumut aningaasarsiaapput A-t. Akileraarutitut ilanngaattissat qimagaasup skattekortia tunngavigalugu naatsorsorneqassapput. Aningaasalli toqusup pigisaanut tunniunneqarpata taakku aningaasarsiatut A-tut isigineqassanngillat.

Isumaqtigiissutit malillugit akissarsianut iluarsiiissutit ullormi tunniussinermi aamma aningaasarsiaapput A-t.

Soraarnermi ajunngitsorsiasat, allatulluunniit - soorlu utoqqalinikkut, nappaateqarnikkut allamil-luunniit peqquteqartumik - atorfiup qimalernerani ataasiaannartumik akissarsiat aamma aningaasar-siaapput A-t.

Takuuk akileraartarnermut inatsimmi § 34.

## **2.13 FEERIARNERMI AJUNNGITSORSIAT ANINGAASARSIAT A-JUPPUT**

Namminersortuni pisortaniluunniit sulillutik akissarsiortut tamarmik feeria pillugu inatsimmi maleruagassat naapertorlugit feeriarinnaatitaallutillu feeriarnermi ajunngitsorsiaqarsinnaatitaapput imaluunniit akissarsiaqarlutik feeriarinnaatitaapput.

Sulisitsisoq akissarsiat 12%-iinik feeriarnermi ajunngitsorsiaqartitsissaaq. Saniatigut aamma sulisoq ukioq naallugu piffissaq tamakkerlugu sulinermit naapertuuttunik sap.ak. 5-nik feeriassaminik katersissaaq. Feeriarnermi ajunngitsorsiat sulisup feeriarnerni tunniunneqassapput.

## 2.14 AKTIANIK PIGINNEQATAASSUTILINNUT TAARSIGASSARSISITSINEQ AAMMA SELSKABENIT ANINGAASANIK TIGUSINERIT

Aktianik amerlanerpaanik pigisaqartup selskabimit taarsigassarsiai ilaanneeriarlutik nammineq privatimik aningaasartuutitut atorneqartarput, aktianillu amerlanerpaanik pigisaqartup taarsigassarsiami utertinnissaat siunertarisarnagu. Taamaaliorneq akileraartarnikkut iluaqutissiisarpog, taarsigassarsiammi akileraaruserneqartussaannngimmata, uffa taarsigassarsiaanatik iluanaarutisiaagunik akissarsiaagunilluunniit akileraarusigassaagaluarlutik. Taamaattumik aktianik amerlanerpaanik pigisaqartut anpartinillu amerlanerpaanik pigisaqartut aningaasat selskabimit tigusaasa, akileraartarnermut inatsimmi § 16a malillugu selskabinit eqqortumik suliarineqartarnissaat qulakkeerneqassaaq.

Selskabit il.il. inuk aningaasanik atugassippassuk, taarsigassarsisippassuk qularnaveeqqusiiffigippassulluunniit, aningaasat akileraartarnermut inatsimmi maleruagassat nalinginnaasut malillugit taarsigassaannngitsunik tigusinertut suliarineqassapput, inuk pineqartoq akileraartarnermut inatsimmi § 86, imm. 3 malillugu tassaappat aktianik amerlanerpaanik pigisaqartoq, tassa imaappog pineqartoq nammineq imaluunniit aapparisani, angajoqqaani, aanaakkuni/aatakkuni, meeqqani, ernguttani aamma taakkua aappaat peqatigalugit selskabip aningaasaataasa minnerpaamik 25%-ii ukiut kingulliit 5-it ingerlaneranni piffissami sumiluunniit pigisarissimappagit, piffissalluunniit tamatuma ingerlanerani taasisinnaassuseqarnerup 50 procentia sinnerlugu taasisinnaassuseqarsimappat.

Selskabip aningaasat aningaasarsiatut A-tut suliaralugit akileraarutitassaar unerartissavai kiisalu Akileraartarnermut Aqutsisoqarfimmut nalunaarutigissallugit. Tamanna pissaaq piffissami aningaasat selskabimit tiguneqarfianni. Assersuutigalugu aningaasat 2025-mi qaammat maj tiguneqarpata, taava qaammatikkaartumik nassuiaammut sukumiisumut 2025-mi majimut tunngasumut ilanngullugit nalunaarutigineqassapput .

### Assersuut:

Selskabimi aktianik amerlanerpaanik pigisaqartoq 100.000 koruuninik imminut tigutsippoq imaluunniit selskabip aktianik amerlanerpaanik pigisaqartoq biilinik pitsippaa. Aningaasat tiguneqartut akileraaruseriikkatut isigineqassapput. Aktianik amerlanerpaanik pigisaqartoq Sisimiuni najugaqarpat procenti akileraarusiissut 42%-iussaaq.

Imatut naatsorsorneqassaaq:

Aningaasat tiguneqartut 58%-inik amerlassuseqarput, tassa imaappog akileraarutit A-t unerartereerlugit tunniunneqartut. Taava aningaasarsiat A-t 172.413 koruuniupput (tassa 100.000 / 58%).

Tassa imaappog selskabip nalunaarutigissavai aningaasarsiat A-t 172.413 koruunit akileraarutillu A-t unerartitat 72.413 koruunit kiisalu AMA 2,1%-it = 3.621 kr-it.

### 3 PIFFISSAQ AKILERAARUTIT ILANNGAATIGINEQARFIAT

Akileraarutit qaqugukkut unerartinneqarnissaat kapitalimi uani eqqartorneqarpoq. Tassa imaappoq, sulisitsisoq allaluunniit aningaasarsianik A-nik tunniussisussaak akileraarutinit qaqugukkut unerartitsissanersoq. Akileraarutit A-t nalinginnaasumik unerartinneqassapput aningaasarsiat A-t tunniunneranni.

Takuuk akilerartarnermut inatsimmi § 76.

Akissarsiaannaat kisimik pineqanngillat, aammali akortisiat, agguagarsiat, kiffartulussinnarna-veeqqutit, iluanaarutinit kajumissaatitut tapisiat aammalu akissarsiat immikkut ittut allat, piffissami pisassarilereernerisa kingorna tunniunneqartut. Akissarsiortup akissarsiassani qanga akissarsias-sarilersimanerai (akissarsiassat qanga pisassarilersimanerai) apequtaanngilaq.

Nalliuttuni sapaataanngitsuni akissarsianut feeriarnermilu ajunngitsorsianut tunngatillugu immikkut ittunik maleruagassarpoq - **takukkit imm. 3.2 aamma 3.5.**

Aningaasat ukiup pisassarineqalerfiisa aappaaguani aatsaat tunniunneqarpata, aningaasarsiat A-t taamatullu aamma akileraarutit A-t piffissamut tunniussiviusumut attuumassuteqartinneqassapput. Aningaasarsiat A-t akileraarutillu A-t ukioq tunniussiviusoq pillugu akissarsiat il.il. pillugit paasissutissanut ilanngunneqassapput.

Aningaasarsiortup akileraartussaana kippat aningaasarsiat A-t, matumani ilanngullugit feeriarnermi akissarsiassat akileraartussaaneq kipitinnagu pisassarilerneqartut, kingusinnerpaamik akileraaruserneqassapput piffissami akileraartussaaneq kipiffiani. Akileraarutinit A-nik unerartitsineq kingusinnerpaamik piffissami tassani pissaaq.

Piffissaq pisassaqaalerfiusoq qaangiutereersoq akissarsianik appaaneq ukiumut aningaasarsiorfimmu appaaneq tunngassuteqarfigisaanut inissinneqassaaq. Akissarsianik appaaneq qaammatisiutit malillugit ukiumut siusinnerusumut tunngassuteqarpat, aningaasarsisup aningaasat tamakkerlugit sulisitsisumut utertissavai. Akissarsianik appaaneq tunniusseqqaarnermi akileraarutinit A-nik ilanngaarnermut sunniuteqassanngilaq. Tassunga taarsiullugu akileraarutit A-t amerlanaarlugit unerartinneqartut inaarummik naatsorsuut nalinginnaasoq imaluunniit inaarummik naatsorsuut allanngortitaq aqutigalugu pisassanngortinneqassapput.

Sulisitsisup aningaasarsiat A-t toqusup toqunnginnermini pisassarilivissimasai akileraarutinit A-nik unerartitsiffigissavai.

#### 3.1 AKISSARSIAT SIUMOORTUMIK TUNNIUNNEQARTUT

Akissarsiat siumoortumik tunniunneqartut qaammammut pisassanngorfiviannut tunngatinneqassapput. Januarimut akissarsiat ukiup siuliani decemberimi tunniunneqaraluartut akileraarutinit A-nik unerartitsinissaq skattekortit nutaaq atorlugu, aammalu januarimut akileraarutinit ilanngaasaneq pillugu maleruagassat malillugit pissaaq. Januarimut akissarsiat taakkualu akileraarutaat aatsaat ukiumi pisassanngorfigisaanni paasissutissanut ilanngunneqassapput.

Akissarsianit siumoorutinit aningaasarsianilluunniit A-nik allanik tunniussinerni tamani akileraarutit A-t unerartinneqassapput. Sulisitsisorli sapaatip akunneranut, ullunut 14-inut qaammammulluunniit akissarsiassanit siumoortitsippat, siumoorutit akileraarutitassaak akissarsiat nalinginnaasumik naatsorsorneqarnissaannut utaqqisinneqarsinnaavoq. Akissarsiat tamarmiusut siumoorutinit ilanngarneqaratik akileraarutaasa A-t akissarsianik naatsorsuinissami matussutissaqartinneqarnissaat sulisitsisup akisussaaffigaa.

### 3.2 NALLIUTTUNI SAPAATAANNGITSUNI AKISSARSIAT

Nalliuttuni sapaataanngitsuni akissarsiat ukiup pisassarineqalerfiisa ingerlanerani ingerlaavartumik imaluunniit siumoortumik tunniunneqarpata, taakku piffissami tunniussiffiusumi akissarsianut A-nut nalinginnaasunut ilanngunneqassapput. Kisianni nalliuttuni sapaataanngitsuni akissarsiat ukiumi pisassanngorfianni tunniunneqanngippata, taakku akileraarutaannik ilanngaaneq kingusinnerpaamik pissaaq ukiumi pisassanngorfianni ullormi 31. decemberimi.

Takuuk Aningaasarsianit akileraarutit sulisoqarnermullu akitsuutip akilersinneqartarnerat pillugu Namminersorlutik Oqartussat nalunaarutaat nr. 10, 20. september 2011-meersoq, § 9.

### 3.3 AKISSARSIORTOQ AKILIUTINIK SULISITSISUNI SINNERLUGU TIGUSAQARPAT

Akissarsiortoq aningaasanik sulisitsisumi pissaanik akiliiffigineqartarpat, aningaasallu ilaat nammineq akissarsiassamisut tigungmiinnartarlugit, taava akissarsiortup aningaasarsiai A-t sulisitsisumut akiliinerit tamaasa naatsorsorneqartassapput, taamaattorli minnerpaamik qaammammut ataasiarluni. Akileraarutinillu ilanngaasarneq maleruagassat nalinginnaasut malillugit pisassaaq.

Taxanik ingerlatsisut taxanik piginnittut sinnerlugit akiliutitik tigusaqartarput. Ingerlatsisoq piginnittorlu aningaasarsiassanik naatsorsuigaangamik isertitat A-t akileraaruserneqarnerilu naatsorsortassavaat, minnerpaamik qaammammut ataasiarlutik.

Aningaasarsianit naatsorsorneqartunit akileraarutit A-t sulisitsisumut akiliinermit ilanngullugit tunniunneqarnissaat aningaasarsiortup pisussaaffigaa. Tamanna pinngippat sulisitsisup sulisuni erngerluni soraarsissinnaavaa.

Takuuk akileraartarnermut inatsimmi § 80, imm. 2.

Taamatut pisoqanngippat sulisitsisoq akileraarutit A-t akilernerneqarnissaannut akisussaatinne-qarsinnaavoq. Sulisitsisup tamanna Sulinal-imut Akileraartarnermut Aqutsisoqarfimmiittumut [sulinal@nanog.gl](mailto:sulinal@nanog.gl)-ikkut nalunaarutigisariaqarpaa.

Takuuk akileraartarnermut inatsimmi § 93.

### 3.4 SORAARNERUSSUTISIASSANUT AKILIUTIT – NUNA ILEQQAARFIUSOQ SUUNERSOQ EQQUMAFFIGINEQASSAAQ

Soorlu immikkoortoq **2.12**-imi, Soraarnerussutisiassanut aamma aningaasarsianut A-nut tunngasumi oqaatigineqareersoq, soraarnerussutisiaqarnissamut aaqqissuussinernut Kalaallit Nunaanniittunut soraarnerussutisiaqarnissamullu aaqqissuussinernut Kalaallit Nunaata avataaniittunut tunngatillugu akileraa-rutinik unerartitsisussaaneq piffissarlu ilanngaaffissaq assigiinngissuteqarput.

|                                                                                                                                            | <i>Piffissaq akileraarutinik ilanngaaffissaq</i> | <i>Unerartitsisussaataitaneq</i>                   |
|--------------------------------------------------------------------------------------------------------------------------------------------|--------------------------------------------------|----------------------------------------------------|
| Kalaallit Nunaanni aaqqissuussinerit akileraar-<br>tarnermut inatsimmi §§-it 39 aamma 40 malillugit.                                       | Tunniunneqarfianni                               | Soraarnerussutisiaqarnissamut<br>sillimmasiisarfik |
| Soraarnerussutisiaqarnissamut aaqqissuussinerit<br>nunani allaniittut                                                                      | Akilerneqarfianni                                | Sulisitsisoq                                       |
| Inuunermut sillimmasiissutit aamma ajunaarnis-<br>samut sillimmasiissutit aalajangersimasut soraar-<br>nerussutisiassanut attuumassutillit | Tunniunneqarfianni                               | Soraarnerussutisiaqarnissamut<br>sillimmasiisarfik |

Takuneqarsinnaavoq soraarnerussutisiaqarnissamut aaqqissuussinernut nunani allaniittunut akiliutit piffissami akilerneqarfianni akileraaruserneqartussaasut. Tamanna taaneqarpoq siuartitamik akileraarusiineq. Taamaaliorneq Kalaallit Nunaanni akileraarusiinissamik qulakkeerinninneruvoq. Malerugassaq pingarneq tassaavoq, soraarnerussutisiat piffissami akilerneqarfianni imaluunniit piffissami tunniunneqarfianni akileraaruserneqartarnissaat.

Ajunaarnissamut sillimmasiissutitik inuunermullu sillimmasiissutitik aalajangersimasunik tunniussinerni akileraarusiinissat aamma pissapput aningaasat tunniunneqarnerini. Allat piffissami akilerneqarfianni akileraaruserneqassapput. Sulisitsisoq aaqqissuussinermut akiliinermi akileraarusiiffigineqartussamut akiliisarpas, sulisitsisoq piffissami akiliiffiusumi unerartitsisussaataitavoq.

Nalornissuteqaruit soraarnerussutisiaqarnissamut sillimmasiisarfik aperiuk, imaluunniit Akileraartarnermut Aqutsisoqarfik aperisinnaavat, ugguuna [sulinal@nanog.gl](mailto:sulinal@nanog.gl).

### 3.5 AKISSARSIAQARANI FEERIARNEQ (KISIANNI FEERIAMI AJUNNGITSORSIAQARLUNI IMALUUNNIIT FERIEPENGESILLUNI)

Sulisut akissarsiaqarlutik feeriarinnaanngitsut feeriarnermi ajunngitsorsiassanik (qammammusiallit) imaluunniit feriepengenik (nalunaaquttap akunnermusiallit) katersisarpas. Feeriarnermi ajunngitsorsiassat feriepengillu akissarsiat 12%-iisut amerlassuseqarput. Feeriarnermi ajunngitsorsiassat ukiumi katersarineqarfianni illit sulisitsisutut akileraaruserassavatit.

Feeriarnermi ajunngitsorsiassat feriekortimik assigisaanilluunniit tunniussinikkut sulisumut pisassanngortinneqarpata akileraarutit A-t unerartinneqassapput. Akileraarutit ukiumi katersiiffiusumi kingusinnerpaamik ulloq 31. december ilanngaatigineqassapput. Tassa imaappoq feriepenget soorlu 2025-mi katersorneqartut 2026-mi feerialermermi tunniunneqartussat 2025-mi naatsorsukkanut ilaassapput.

Takuuk Aningaasarsianit akileraarutit sulisoqarnermullu akitsuutip akilersinneqartarnerat pillugu Namminersorlutik Oqartussat nalunaarutaat nr. 10, 20. september 2011-meersoq, § 9, imm. 2.

Sulisunnut feeriarnermi ajunngitsorsiassanik katersaqartunut tunngatillugu illit sulisitsisutut periarfissatit ukuupput.

- A. 12%-it akissarsianut qaammatit tamaasa ilanngullugit naatsorsortarsinnaavatit, akileraarutaallu unerartillugit.
- B. Sulisup ukiup ingerlanerani akissarsiaasa tamarmiusut 12%-ii nalunaarutigisinnaavatit, akileraarutaallu unerartillugit.

Periarfissap A-p B-lluunniit toqqarnera apeqqutaatinnagu sulisuit ukiumi tulliuttumi feeriarfissami aningaasanik qanoq amerlatigisunik pisassaqaarnissaa, pineqartullu ullunik qassinik feeriassaqaarnera pillugit naatsorsuusiussaatit. Taakku tamarmik naatsorsorneqaarnerat feriekorti assigisaaluunniit atorlugu sulisunut paasissutissiissutigineqassaaq.

Akileraarutit A-t naatsorsorneqartut, feriekortip assigisaa-taluunniit tunniutinnginnerani feeriarnermi ajunngitsorsiassanik ilanngaatinneqassapput.

#### **FERIEKORTI – NAATSUMIK**

Feriekorti pisassaqaarnermut upper-narsaatitut taaneqarsinnaavoq, sulisup ullunik feeriarfissatut katersaminik tunineqaarnissaaq qulakkeerrinnittussaq, aamma allamik sulisitsisoqaleraluarpalluunniit.

Allamik sulisitsisoqalernermit sulisup piffissaq feeriarfissani pillugu nalunaarut sulisitsisorilikkaminut atsior-tissavaa. Sulisitsisuulersup taanna sulisitsisuusimasumut nassiutissavaa, taassumalu aningaasat tunniutis-sallugit.

#### **Feeriarnermi ajunngitsorsiassat toqusumut tunngasut**

Toqusup feeriarnermi ajunngitsorsiassat, matumani aamma aningaasarsiaqarluni feeriassat toqussi sioqqullugu katersai, toqunerata kingorna naatsorsorneqassapput, akileraarutaallu piffissami tassanissaaq ilanngaa-tigineqassallutik maleruagassat nalinginnaasut malillugit, tak. qulaani.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 10.

### **3.6 AKISSARSIAQARLUNI FEERIARNEQ**

Qaammammusiallit feeriarnermi ajunngitsorsianik immikkut ittunik katersaqartarput. Feeriarnermi ajunngitsorsiat immikkut ittut ukiumi katersiffiusumi akissarsiarineqartut 1,5%-iinik amerlassuseqarput, ullorlu 1. februar tunniunneqartarlutik. Taakku sulisitsisumit naatsorsuuteqartinneqassapput.

Qaammammusiallit akissarsiatik pigiinnarlugit imaluunniit feeriarnermi ajunngitsorsiaqarlutik feeriarsinnaatitaapput. Sulisup akissarsiaqarluni feeriarnissaq feeriarnermiluunniit ajunngitsorsiaqaarnissaq nammineq toqqassavaa. Sulisup ajunngitsorsiaqarluni feeriarsinnaatitaanini atorussukuniuk, tamanna sulisitsisumut nalunaarutigissavaa kingusinnerpaamik ukioq feriassanik katersiffik sioqqullugu kingusinnerpaamik 1. oktobarimi.

Sulisup akissarsiani pigiinnarlugit feeriarnissani toqqarpagu akileraarutit A-tnalinginnaasumik akissarsisitsinermisuulli naatsorsorneqassapput.

Sulisup feeriarnermi ajunngitsorsiaqaarnissaq akissarsiani pigiinnarlugit feeriarnissamut taarsiullugu toqqarpagu, tamanna taaneqartarpoq 'feeriarnermi ajunngitsorsiat kinguartitat'. Feeriarnermi ajunngitsorsiat kinguartitat toqqaraanni tamanna isumaqarpoq, sulisup akissarsiaqarluni feeriarnermut taarsiullugu feeriarnermi ajunngitsorsiassat aatsaat feeriareeruni tigussagai. Feeriarnermi ajunngitsorsiat kinguartitat toqqarneqaarneranni sulisitsisoq akissarsiat 12%-iinik feeriarnermi ajunngitsorsiaqartitsissaaq. Akissarsiortulli feeriarnermi ajunngitsorsiat immikkut ittut taamaalilluni pisinnaassanngilai.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 9.

Akissarsiortoq akissarsiaqarluni feeriansinnaatitaaffeqarluni atorfigisaminit soraarpat, feeriarnermi ajunngitsorsiassat katersai feriekortimik assigisaanilluunniit tunniussinikkut sulisumut pisassanngortinneqarpata akileraarutini ilanngarneqassapput. Akileraarutilli ukiumi soraarfiusumi kingusinnerpaamik ulloq 31. december ilanngaatineqassapput. Akileraarutit A-t ukiumi soraarfiusumi procenti akileraarusiissut atorlugu naatsorsorneqassapput. Hovedkorti akileraarutini naatsorsuineri atorineqaraluarpalluunniit ilanngaateqartitsisoqassanngilaq.


Takuuk Namminersorlutik Oqartussat nalunaarutaat nr. 10, 20. september 2011-meersoq, § 9, imm. 1 aamma 2.

Akissarsiortoq akissarsiaqarluni feeriansinnaatitaaffeqaraluartoq maanna sulisitsisumini feeriassaminik katersaqanngikkaluarluni feeriarpat, taamaattumillu feriekorti assigisaaluunniit sulisitsorisimasami tunniussaa atussappagu, taava piffissaq feeriarfia tamaat pisarnertut ilanngaateqartinneqassaaq, tassa imaappoq maanna sulisitsisumini qaammammusia ikinnerugaluartut akileraarutissat naatsorsorneranni qaammat tamakkerlugu ilanngaateqartinneqassaaq. Tamatumanili piumasaavoq maanna sulisitsisup skattekorti feeriarnerup nalaani tigummissagaa.

**Malugiuk:** Ilanngaatit atorineqanngitsut piffissap aningaasarsiffissap tullianut nuunneqarsinnaammata.

### 3.7 ANINGAASARSIAT A-T FEERIASSANIK KATERSISSUTAANNGITSUT

Aningaasarsiat A-t sulisup sulisitsisoqarluni aningaasarsiarisai kisimik feeriassanik katersissutaasinnaapput. Aningaasarsiat A-t assigiinngitsut feeriassanik katersissutaasinnaanngillat, soorlu makku; eqqumiitsuliortut akissarsiaat, aalajangersimasumik atorfeqartitaanatik oqalutsit/nutserisut akissarsiaat, siulersuisuni sulineri akissarsiat aamma tunisinermi isertitat. Taakkua tungaviusumik isertitat B-jupput, tunniunneqarnerinili tunniussisumit isertitatut A-tut akileraaruserneqartussaallutik. – Ass. Tunitsivinni nipilersortitsinerniluunniit.



## 4 AKILERAARUTIT A-T ILANNGAATIGISASSAT SULISOQARNERMULLU AKITSUUTIP NAATSORSORNEQARNERAT

Akileraarutit A-t unerartitassat sulisoqarnermullu akitsuutip qanoq naatsorsorneqarnissaat kapitalimi uani eqqartorneqarput.

Naatsumik nassuiarlugu:

- Akileraarusigassat siulliullugit naatsorsussavatit: Aningaasarsiat tamakkiisut akileraartarnermut allagartami ilanngaas ilanngaatigereerlugu.
- Akileraarusigassat aamma skattekortit, akileraarutit unerartitassat aningaasallu tunniunneqartussat naatsorsornissaanni tunngavigineqassapput.
- Aningaasarsiat tamakkiisut ilanngaas sulit ilanngaatiginagu aamma sulisoqarnermut akitsuutip angissusia, sulisoqarnermut akitsuutip naatsorsornissaanni tunngavigineqassapput
- Soraarnerussutisiaqarnissamut aaqqissuussinernut Kalaallit Nunaata avataaniittunut akiliutit akileraarutaallu skattekortit tunngavigalugu naatsorsorneqassapput
- Akissarsianit ilanngaassueqqullutit / akissarsianik ilanngartueqqullutit peqquneqarsimaguit, ilanngaassuineq aatsaat pissaaq akileraarutit naatsorsorneqareerneranni.

Naatsorsuinissamut assersuutit ilitersuutip naggataani ilanngussaq 1-imi takutinneqarput.

### 4.1 AKILERAARUSIGASSAT

Akileraarutit A-t naatsorsorneqassapput akileraarusigassat skattekortimilu paasissutissat tunngavigalugit. Akileraarusigassat tassaapput aningaasarsiat tamarmiusut (akissarsiat tapinik sunilluunniit ilallit) skattekortimi ilanngaammik ilanngarneqartut.

Akileraarusigassat naatsorsorneranni aningaasarsiat A-t tamaasa ilanngutissavatit, eqqaamassavalli soraarnerussutisiaqarnissamut aaqqissuussinernut Kalaallit Nunaanniittunut akiliutit ilanngaatigineqarsinnaammata imaluunniit sulisitsisup akileeqataassutai akileraaruserneqartussaangimmata.

Eqqaamassavattaq aningaasat soraarnerussutisiaqarnissamut aaqqissuussinernut nunani allaniittunut akiliutigineqartut taakkualu akileraarutaat aningaasarsiat A-t nalunaarutigineqarnerannut ilutigitillugit Sulinal-imut nalunaarutigineqartussaammata.

Kiisalu eqqaamassavat ilanngartuinissat, matumani ilaatigut aamma nioqqutissanut akiliutissanik, sulisut peqatigiiffianut akiliutinik, kaffisoqatigiittarnermi akiliutinik aamma sulisut taarsigassarsisarfiannut akilersuutinik ilanngaanissat aatsaat pissammata akileraarutit A-t unerartinneqareerneranni. Tamanna aamma akissarsianit ilanngaassuinnermut atuuppoq – **Takuuk immikkoortoq 9.1.**

#### AKILERAARUSIGASSAT – SUUPPAT?

Akileraarusigassat tassaapput aningaasat, akileraarutit skattekortimi procenti akileraarusiissut atorlugu ilanngaatigineqartinnagit tamarmiulutik amerlassusiat.

Pissarsisumut aningaasarsiat A-t tamarmiusut. Tassa imaappoq akissarsiat, tapit il.il. Kisianni aningaasat aningaasarsiat A-junngitsut pinnagit, soorlu angalanermi ajunngitsorsiat ullormusiallu angissusiliussat atuutut malillugit tunniunneqartut. Takuuk kapitali 2.

Aningaasat ilanngaatisanik ilanngarneqassapput. Assersuutigalugu soraarnerussutisiaqarnissamut aaqqissuussinernut Kalaallit Nunaanniittunut akiliutit ilanngaatigalugit.

Taava aningaasat skattekortit malillugu ilanngaammik ilanngarneqassapput.

**Assersuut - Akileraarusigassat qummut ammallu akunnaallineqartarnerinut maleruagassat**

Akileraarutit naatsorsunnginneranni kisitsinissamut pisariillisaatitut **akileraarusigassat** kr.-inut ilivitsunut naatsorsorneqartartut, kisitsimmut 10-mik agguarneqarsinnaasumut qaninnermut *ammuat akunnaallineqarsinnaapput*.

Taava **akileraarutissat A-t** naatsorsorneqareerunik kr.-inut ilivitsunut qaninnernut *qummut akunnaallineqassapput*.

**Sapaatip akunneranut akissarsiat tunniunneqalernerannut assersuut**

|                                                         |                |
|---------------------------------------------------------|----------------|
| Aningaasarsiat A-t tamarmiusut .....                    | 5.000,00 kr.   |
| - Hovedkortimi sap.ak. ilanngaattissat, assersuut ..... | - 1.346,00 kr. |
| Akileraarusigassat ammut akunnaallineqanngitsut .....   | 3.654,00 kr.   |

**Koruuninut ilivitsunut 10-mik agguarneqarsinnaasunut qaninnernut ammut akunnaallineqassapput .....**

**3.650,00 kr.**

Akileraarutit A-t 42%-it naatsorsukkat ..... 1.534,68 kr.

**Taakku koruuninut ilivitsunut qaninnernut qummut akunnaallineqassapput ..... 1.635,00 kr.**

Akileraarusigassat ammut akunnaallineqanngippata, taava akileraarutit A-t naatsorsorneqartut koruuninut ilivitsunut qaninnernut ammut akunnaallineqassapput.

Takuuk akileraartarnermut inatsimmi § 76 aamma Namminersorlutik Oqartussat nalunaarutaat nr. 10, 20. september 2011-meersoq, § 13.

## 4.2 SKATTEKORTI

Sulisitsisutut akileraarutit naatsorsulerukkit tunngavigissavatit akileraarusigassat aamma skattekortimi procenti akileraarusiissutissaq. Sulisup skattekorti sulisitsisumut piffissaagallartillugu tunniukkuniuk, ilanngaattissat skattekortimi allaqqasut ilanngaattigisinnaavai.

Takuuk akileraartarnermut inatsimmi §§-it 79 aamma 80.

- Hovedkorti
- Bikorti
- Frikorti

Hovedkortip sulisitsisumut tunniunnissaa bi-kortilluunniit tassunga takutinnissaa sulisup tunngaviatigut pisussaaffigaa.

Sulisitsisut aamma periarfissaqarput sulisumik skattekortinik Sullissivik.gl aqqutigalugu qarasaasiakkut aallernissamut. Eqqumaffigineqassaaq sulisitsisut arlaqartut sulisup hovedkortianik piniarsimasinnaammata, aammalu hovedkorti sulisitsisup sorliup tigussaneraa Akileraartarnermut Aqutsisoqarfiup nalummagu. Sulisoq aperiuk kina pingaarnertut sulisitsisorineraa.

Skattekorti nutaanerpaaq illit sulisitsisutut tigummisat atorlugu nalunaaruteqartassaatit.

## Hovedkorti

Hovedkorti Akileraartarnermut Aqutsisoqarfimmit suliarineqartarpoq. Taanna tiguisissap e-Boksianut decemberip qaammataata affaani suullermi nassiunneqartarpoq. Hovedkorti krydsilerneqarsimappat, tamanna isumaqarpoq skattekorti sulisitsisup allaqqasup qarasaasiakkut tigoreersimagaa. Allanguuteqartoqarnerani Akileraartarnermut Aqutsisoqarfik nutaamik hovedkortiliorsinnaavoq.

Hovedkorti pingaarnertut sulisitsisup atugassaraa. Sulisitsisut allat Bikorti Frikortiluunniit atussavaat.

Akissarsiortup hovedkortini sulisitsisumut tunniutissavaa, taassuma tigummissammagu. Sulisitsisup inuup normua, procenti akileraarusiissutissaq ilanngaattillu naatsorsuutimini nalunaarsugassarai.

Takuuk akileraartarnermut inatsimmi § 79 imm. 1 aamma Namminersorlutik Oqartussat nalunaarutaat nr. 10, 20. september 2011-meersoq, § 16 imm. 2.

Piffissaq sulisitsisup hovedkortimik tigumminiffia kisiat ilanngaateqartitsiffiussaaq. Akissarsiortup hovedkortimi tigunissaa piumasarippagu, tunniunneqarnerata kingorna hovedkorti malillugu ilanngaateqartitsisoqassanngilaq. Taassuma kingorna akileraarutissat ilanngaatitaqanngitsumik 45%-imik ilanngaatigineqassapput.

Takuuk akileraartarnermut inatsimmi § 79, imm. 1 aamma § 80, imm. 1.

Akissarsiortoq ukiup ingerlanerani suliffimmit soraarpat hovedkortia tassunga tunniunneqassaaq.

Qaammatisiutit malillugit ukioq qaangiuppat skattekorti aningaasarsiortumut tunniunneqassaaq kasiilerneqarluniluunniit.

Takuuk akileraartarnermut inatsimmi § 79 imm. 1 aamma Namminersorlutik Oqartussat nalunaarutaat nr. 10, 20. september 2011-meersoq, § 15 imm. 1.

## Hovedkortimi ilanngaatit naatsorsorneqartarnerat

Ullormut, sapaatip akunneranut, ullunut 14-inut qaammammullu ilanngaatit annertussusii hovedkortimi allassimapput.

Ullormut ilanngaat taamaallaat atorineqartussaavoq ullormut ataasiinnarmut akissarsisitsineri. Ullormut ilanngaat taassuma saniatigut atorineqarsinnaavoq piffissami aningaasarsiffiusumi "ilaannakuusumi" ilanngaatissat ilaasa naatsorsorneranni tapertatut. Assersuutigalugu piffissaq pineqartoq tassaappat qaammat ataaseq ullullu pingasut.

Piffissamut akissarsiorfiusumut naapertuuttunik ilanngaasiisoqartassaaq, tassa nalliuttut sulingiffiillu allat ilanngullugit. Toqusup akileraarutissaanik naatsorsuineri ulloq toqquik ilanngullugu ilanngaasiisoqassaaq. Feeriarnermi ilanngaatinut tunngatillugu takuuk immikkoortumi tullermi "Akileraarutit A-t - feeriarnermi ajunngitsorsiat aamma akissarsiaqarluni feeriarneq".

*Akileraarutissat naatsorsorneranni ilanngaateqartitsisoqassappat hovedkorti sulisitsisumit tamatigut tigummineqartassaaq.*

Akileraarutissat naatsorsorneranni hovedkorti tunngavigineqarpat piffissaq aningaasarsiffiusoq tamaat ilanngaateqartitsisoqassaaq, aamma akissarsiortoq piffissaq tamaat sulisimanngikkaluarpalluunniit, imaluunniit akissarsiassat piffissamut aningaasarsiffiusumut aalajangersimasumut tunngatinneqarsinnaanngikkaluar-pataluunniit. Piffissami ulluni 14-ini sulisoq ullut siulliit marluk aamma ullut kingulliit marluk sulippat sulisitsisullu hovedkorti atorpagu, ullunut 14-inut ilanngaasiinissamut annertussusiliineq atorineqassaaq.

Ilanngaatit aningaasarsianit A-nit amerlaneruppata akileraarusigassat "0"-iussapput. Akileraarusigassat minusinngorsinnaanngillat, piffissamili aningaasarsiffiusumi ilanngaatissat atorineqanngitsoortut piffissap tulliani



### **Naatsorsuinnermut ilitsersuut - piffissaq akissarsiffiusoq ilaannakoq**

Hovedkorti malillugu ullormut ilanngaas 192 kr.-iuvoq. Akissarsiortoq marlunngornermi sulilerpoq. Sapaatip akunnera akissarsiorfik tassaavoq sapaammiiit - arfininngornermut.

|                                                                                      |           |
|--------------------------------------------------------------------------------------|-----------|
| Ulluni 4-ni akissarsiat (marlunngorneq-tallimanngorneq)                              | 2.500 kr. |
| Skattekorti malillugu ilanngaasit                                                    |           |
| Marlunngorneq, pingasunngorneq, sisamanngorneq, tallimanngorneq aamma arfininngorneq | 960 kr.   |
| Akileraarusiassat                                                                    | 1.540 kr. |

Aningaasat nalingat 10 kr.-imut qaninnermut ammut akunnaallisinneqarsinnaavoq.

### **Bikorti**

Bikorti atorineqartarpoq akissarsiortoq sulisitsisunik arlaqartunik ataatsikkut aningaasarsiffeqaraangat. Hovedkorti sulisitsisup ataatsip, bikortilu sulisitsisut sinnerisa atugassaraat. Bikorti ilanngaatitaqanngilaq, taamaallaalli procenti akileraarusiissut allassimalluni. Bikorti sulisitsisumut tunniunnagu takutiinnarneqassaaq, taassumalu inuup normua, procenti akileraarusiissut kommunilu akilerarfik allassavai.

Takuuk akileraaartarnermut inatsimmi § 79, imm. 1 aamma Namminersorlutik Oqartussat nalunaarutaat nr. 10, 20. september 2011-meersoq, § 16, imm. 2.

Akissarsiortup bikorti takutissimappagu akileraarusiassat tassaassapput = aningaasarsiat A-t ilanngaasernagit, taamaattoorli koruuninut ilivitsunut 10-mik agguarneqarsinnaasunut qaninnermut ammut akunnaallillugit.

### **Frikort**

Frikorti innuttaasut inummut ilanngaammit ilanngaammillu aalajangersimasumit ikinnerusunik ukiup ingerlanerani isertitaqassangasunit atorineqarnerusarpoq. Soorlu inuusuttuaqqanit sunngiffimminni sulisartunit.

Frikortimi allassimapput aningaasarsiat akileraaruteqaataasussat akileraarusernagit akissarsiarineqarsinnaasut annerpaaffissaat (tassa akissarsinerit ataasiakkaat katinnerat) kiisalu procenti akileraarusiissut. Aningaasarsianik A-nik akissarsisitsinerit tamaasa sulisitsisup taakku frikortimi allattassavai.

Takuuk Namminersorlutik Oqartussat nalunaarut nr. 10, 20. september 2011-meersoq, §§-it 15, imm. 2 aamma 16, imm. 2.

Frikorti tamakkerlugu atorineqarsimappat – tassa imaappoq sulisoq akileraarusernagit isertissinnaasani sinnerlugit akissarsiaqarsimappat – sulisitsisup procenti akileraarusiissut frikortimi allaqqasoq atussavaa.

Akissarsiortoq soraarpat aningaasarsiaasa A-t katinneri frikortimut allariarlugit inuttaanut tunniunneqassaaq.

### **Naatsorsuinnermut ilitsersuut – Frikorti**

Akissarsiortup frikorti tunniussimappagu, frikortip saqqaani "Akileraarutiniq ilanngarnagit aningaasarsiarineqarsinnaasut annerpaaffissaat" qaammatisiutit malillugit ukiumi akissarsiortup aningaasarsiaanit A-nit nallerneqartinnagit akileraarutiniq ilanngaasoqassanngilaq.

Tassa imaappoq, frikorti 70.000 kr.-inik annerpaaffissaqarpat, taava taakku 70.000 kr.-nit angutinnagit aningaasarsiat A-t akileraarusernagit tunniunneqartassapput. Taassuma kingorna procenti akileraarusiissut

atorneqalissaaq. Sulisitsisup pisussaataitaaffigaa frikortip tunuani aningaasarsianik A-nik tunniunneqarsimasunik immersuiffissap immersortarnissaa, aningaasarsisitsinerit tamaasa.

|                                                                                                                                      |                    |
|--------------------------------------------------------------------------------------------------------------------------------------|--------------------|
| Frikortimi aningaasarsiat akileraarusernagit annerpaaffissaat .....                                                                  | 70.000 kr.         |
| Skattekortip tunuani allassimasut malillugit akissarsiortup allanik sulisitsisoqarluni A-nik aningaasarsiarisimavai katillugit ..... | - 66.000 kr.       |
| "Aningaasat akileraarusigassaanngitsut" sinnerupput .....                                                                            | 4.000 kr.          |
| Tullianik akissarsinissami akissarsiortup A-nik aningaasarsiassai tamarmiusut .....                                                  | 6.000 kr.          |
| taamaattumik frikortimi sinneruttunik ilanngaatineqassapput .....                                                                    | - 4.000 kr.        |
| Frikortimi sinnerupput .....                                                                                                         | 0 kr.              |
| Akileraarusigassanngorput .....                                                                                                      | 2.000 kr.          |
| Akileraarutit A-t (Frikorti malillugu akileraarusiissut 42%) .....                                                                   | - 840 kr.          |
| <b>Tassa akissarsiortup kingullermik akissarsinermini tigussasai tassaapput kr. 6.000 - kr. 840 ..</b>                               | <b>= 5.160 kr.</b> |

### Skattekort amigaataappat

Akissarsiortoq hovedkortimik/bikortimik tunniussaqaanngippat/takutitaqaanngippat, aningaasarsiat A-t ilanngaasernagit akileraarutit A-nik 45%-inik unerartitsiffineqassapput. Soraarnerussutisiaqarnissamulli aqqissuussinernut kalaallit Nunaanniittunut akiliutit ilanngaatineqaaqqaassapput. Taamaaliortoqassaaq akissarsiortup hovedkorti/bikorti tigusiannnginneraraluarpagu tammarsimaneraraluarpaguluunniit.

Takuuk akileraartarnermut inatsimmi § 80, imm. 1.

Hovedkorti/bikorti amigaataappata akissarsiortup inuttut normuata, aqqata najugaatalu pissarsiarinissaat sulisitsisup qulakkiissavaa, taakkulu inuup normuanut uppersarsaat assigisaaluunniit atorlugu uppersarsartillugit. Inuup normua pissarsiarineqarsinnaanngippat ulloq, qaammat ukiorlu inuuk sulisitsisup pissarsiariniassavai.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 16, imm. 4.

Akileraartarnermut oqartussaasut paasissutissat hovedkortimiittut/bikortimiittut sulisitsisumut nalunaarutigisinnaavaat. Taamaattoqarpat akileraarutit A-t taakku tunngavigalugit unerartinneqassapput. Aningaasarsiortup procenti akileraarutissaa sulisitsisup ilisimaguniuk taanna akileraarutit ilanngaanermini tunngavigissavaa.

Takuuk akileraartarnermut inatsimmi § 79, imm. 7.

*Akileraarutissalli naatsorsorneranni ilanngaateqartitsi-soqassappat hovedkorti sulisitsisumit tamatigut tigummineqartassaaq.*

### Naatsorsuinermit ilitsersuut – Skattekort amigaataappat

Akissarsiortup skattekortini tunniussimannngippagu akileraarusigassat tassaassapput = aningaasarsiat A-t tamarmiusut koruuninut ilivitsunut 10-mik agguarneqarsinnaasunut qaninnernut ammut akunnaallisat. Akileraarutit A-t 45%-inik ilanngaatineqassapput.

|                                                                                |              |
|--------------------------------------------------------------------------------|--------------|
| Aningaasarsiat A-t .....                                                       | 3.455,00 kr. |
| Ammut akunnaallillugit .....                                                   | 3.450,00 kr. |
| Akileraarutit A-t 45% .....                                                    | 1.552,50 kr. |
| Taakkulu koruuninut ilivitsunut qaninnernut qummut akunnaallineqassapput ..... | 1.553,00 kr. |

### Hovedkortip allannguuteqarnerani

Innuttaasut ilaasa skattekortitik ukiup ingerlanerani allanngortittarpaat. Hovedkorti ukiup ingerlanerani tunniunneqartoq ullormi, Akileraartarnermut Aqutsisoqarfiup atuutilerfiusutut allataani atuutilerfitaq. Sulisitsisup procenti akileraarutissaq ilanngaattissallu hovedkortimi nutaami allaqqasut, ullup atuutilerfiata kingorna atulerneraniit tunngavigissavai. Hovedkortip atorneqalissaguni sulisitsisumut tunniunneqarnissaa sulisup pisussaaffigaa. Hovedkorti atorunnaartoq suujunnaarsinneqassaaq.

### 4.3 TAMAKKIISUMIK AKILERAARUTEQARTITSINERMUT AAQQISSUUSSINEQ

Sulisitsisut sulisumik akileraartarnermut allagartaannik pisuni aalajangersimasuni pisariaqartitsineq ajorput. Tassani pineqartut ilagaat aningaasarsiat A-t, tamakkiisumik akileraaruteqartitsinermut aaqqissuussinermut tunngappata.

Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 20, 18. november 2010-meersumik tamakkiisumik akileraartitsisarneq eqqunneqarpoq.

Aningaasarsianik akileraarutit pillugit inatsimmi §§ 72 a aamma 72 b takukkit.

Tamakkiisumik akileraartitsisarnermut aaqqissuussinermut pineqarput inuit aatsitassarsiornermi annertuunillu sanaartornermi, illoqarfiit nunaqarfiillu avataanni ingerlanneqartuni suliaqartut. 2017-imi Namminersorluni Oqartussat sinnerlugit mittarfiliassanik suliaqarnernut atatillugu avataaniit suliaqartut tamanna aamma ilaneqarpoq. Tamakkiisumik akileraartitsisarnermut aaqqissuussineq atorlugu suliaqartut pineqartut tamakkiisumik aningaasarsiaminnit 35 %-inik ilanngaattitaqanngitsumik akileraartinneqartarput.

Tamakkiisumik akileraarut inuit atorfeqartitaanerminnut atatillugu aningaasarsiaanniit naatsorsorneqartarpoq, tassunga ilanngullugit akeqanngitsumik ajunngitsorsiat soorlu, akeqanngitsumik nerisaqartitaaneq, ineqartitaaneq, oqarasuaateqartitaaneq il.il.

Akissarsiat ilaat, sulisitsisunit akilikkamik soraarnerussutisiaqarnissamut aaqqissuussinerit, kalaallit danskillu soraarnerussutisiaqarnissamut ingerlatsiviini aquanneqartut akileraaruserneqassanngillat Aningaasarsianik akileraarutit pillugit inatsimmi §§ 72 a aamma 72 b imm. 2 tunngavigalugit.

Tamakkiisumik akileraartitsineq inunnut, atorfinitsitaanertik sioqqullugu qaammatini arfinilinni kingullerni Kalaallit Nunaanni kommunimut akileraartussaasimanngitsunut, aammalu atorfeqartitaanerminni makkununga atatillugu sulisinneqartunut atuuppoq:

- Ingerlatani sulianik, sanaartornermi sulianik aammalu ikkussuinerimik ivertiterinermilu illoqarfiit nunaqarfiillu piusut avataanni sanaartornermi suliaqartut.
- Aatsitassat pillugit misissueqqaarnermut, misissueqqissaarnermut imaluunniit aatsitassanik iluaqutiginninnermut attuumassuteqartunik.
- Namminersorlutik Oqartussat sinnerlugit mittarfiliassanik sanaartornermut suliaqartut.

Aaqqissuussineq sermip erngullu iluaqutigineqarnissaat avammullu nioqquteqarneq pillugit sulisunut atuutinngilaq, taamatuttaaq sulisunut aningaasarsianik A-nik isertitalinnut aaqqissuussinermut attuumassuteqanngitsunut atuutinngilaq.

Tamakkiisumik akileraarut inaarutaasumik akileraarutaavoq. Paarlattuanik akileraarutit A-t B-llu akileraarutaagallarput taakkunanngalu inaarutaasumik akileraarutit inaarummik naatsorsuinermi aatsaat naatsorsorneqartarlutik.



#### 4.4 SULISOQARNERMUT AKITSUUTIP (AMA) NAATSORSORNEQARNERA

Sulisoqarnermut akitsuutip danskisut taaguutaa AMA Arbejdsmarkedsafgift-imik naalisaaneruvoq. Sulisoqarnermut akitsuut aalajangersimasunik procentiligaasoq, ilaatigut sulisut akissarsiaat, soraarnerussutisiaqarnissamut aaqquissuussinernut nunani allaniittunut akiliutit aamma tunisanit isertitat tunngavigalugit sulisitsisunit (aamma tunitsivinnit) akilerneqartarpoq.

Sulisoqarnermut akitsuut akissarsiarititat tamarmiusut tunngavigalugit naatsorsorneqartarpoq. Tassa imaappoq akissarsiat tapiissutillu aammalu aningaasarsiat A-t suulluunniit. Pineqanngillalli soraarnerussutisiaqarnissamut aaqquissuussinernut Kalaallit Nunaanniittut

Takuuk akileraartarnermut inatsimmi §§-ini 39 aamma 40.

##### Sulisoqarnermut akitsuutip angissuserai:

|      | Sulisitsisut namminersortut | Pisortat suliffeqarfiutaat |
|------|-----------------------------|----------------------------|
| 2024 | 1,1%                        | 0,9%                       |
| 2025 | 2,1%                        | 1,9%                       |
| 2026 | 1,9%                        | 1,9%                       |

Sulisoqarnermut akitsuut ilinniartitseqqittarnermik aaqquissuussinerup aamma erninermi aningaasaateqarfiup aningaasalersornissaat aammalu sulinermut ilanngaatiq ilaata aningaasalersornissaa siunertaralugit Inatsisartunit akuersissutigineqarnikuuvoq. Angissutsit assigiinngitsuunerannut pissutaavoq pisortat suliffeqarfiutaasa sulisut erninermik kingorna sulinngiffeqartut toqqaannartumik akiliiffigisarmatigik, sulisitsisut namminersortut erninermi aningaasaateqarfimmut akiliisartut.

Takuuk Inatsisartut inatsisaat nr. 9, 19. november 2020-meersoq.

For 2026 skal private arbejdsgivere ikke indbetale til barselsfonden, jævnfør tekstanmærkning til finansloven for 2026. Der opkræves derfor 1,9% i AMA i 2026.

Illit sulisitsisutut sulisoqarnermut akitsuut nassuiaammut sukumiisumut qaammatikkaartumut aamma akissarsiarititat pillugit nalunaarummut ukiumoortumut ilanngullugu Sulinal-imut nalunaarutigissavat.

#### 4.5 FEERIARNERMI AKILERAARUTINIK NAATSORSUINEQ

##### Feeriarnermi ajunngitsorsiat

Feeriarnermi ajunngitsorsiat akileraarutaat maleruagassat nalinginnaasut malillugit naatsorsorneqartarput. Ilanngaatisalli naatsorsorneqarnissaannut immikkut maleruagassaqarpoq.

Maleruagassat makku pingasut arlaat ataaseq atorpeqarsinnaavoq:

- Ukioq ilivitoq tamakkerlugu naatsorsuineri, akissarsiortorlu piffissaq tamaat sulisimappat, aammalu sapaatip akunnerini 5-ini feeriarsimappat, taava sapaatip akunneranut ilanngaatiq 5-it naatsorsuutigineqassaput.
- Sulisup atorfeqarnerani ullut 5-it feeriarsimanernut tamanut (arfininngornerit ilanngullugit) sapaatip akunneranut ilanngaateqartitsisoqassaaq. Ullunut amerlanerussutaasunut tunngatillugu ullormut ilanngaatiq, ullormut feeriarfimmud ataatsimut ilanngaateqartitsisoqassaaq.
- Akissarsiortup sapaatip akunnerini ilivitsuni sulisuusimaneri tamaasa ullormut ilanngaammik 0,7-imik ilanngaateqartitsisoqassaaq. Ullunik sinneruttoqarpat taakkununga ilanngaateqartitsisoqassanngilaq.

**Malugiuk:** Feeriarthoqarnerani akissarsianik tunniussisoqassagaluarpat ilanngaateqartitsisoqassanngilaq, sulisitsisup hovedkorti tigummigaluarpaguluunniit.

***Naatsorsuinnermut ilitsersuut – Akissarsiaqarani feeriarneq***

***- Ukiup ilaani sulisimasog***

Feeriarnermi ajunngitsorsiat ukiumi akissarsiorfiusumi akissarsiat minnerpaamik 12%-iisut naatsorsorneqassapput ullormi 31.12.-mi (tak. feeriarnermut inatsit).

|                                                                                                                                        |                |
|----------------------------------------------------------------------------------------------------------------------------------------|----------------|
| Piffissaq suliffiusimasog tassaavoq sap.ak. ilivitsut 21-t + sap.ak. affat marluk. Hovedkorti malillugu ullormut ilanngaatisaqq .....  | 192,00 kr.     |
| Feeriarnermi ajunngitsorsiat akileraaruserneqartinnatik .....                                                                          | 10.153,84 kr.  |
| Sap.ak. ataatsimut ullormut ilanngaat 0,7 (21 x 0,7 x 192 kr.) .....                                                                   | 2.822,40 kr.   |
| Akileraarusigassat .....                                                                                                               | 7.331,44 kr.   |
| Ammut akunnaallillugit .....                                                                                                           | 7.330,00 kr.   |
| Akileraarutit A-t 42 %-it (koruuninut ilivitsunut qaninnernut qummut akunnaallillugit) .....                                           | 3.079,00 kr.   |
| Feeriarnermi ajunngitsorsiasat feriekortimik (allatulluunniit naatsorsorneqarfiannik) tunniussinikkut pisassanngortinneqassapput ..... | 10.153,84 kr.  |
| - akileraarutit A-t .....                                                                                                              | - 3.079,00 kr. |
| Ukiumi feeriarfissami tunniunneqartussat.....                                                                                          | 7.074,84 kr.   |

***- ukioq akissarsiorfiusog tamaat sulisimasog***

Feeriarnermi ajunngitsorsiat ukiumi akissarsiorfiusumi akissarsiat minnerpaamik 12%-iisut naatsorsorneqassapput ullormi 31.12.-mi (tak. feeriarnermut inatsit).

|                                                                                                                                        |                |
|----------------------------------------------------------------------------------------------------------------------------------------|----------------|
| Piffissaq suliffiusimasog: Ukioq tamaat sulisimavoq. Feeriarnermi ajunngitsorsiasat tamarmiusut .....                                  | 30.000,00 kr.  |
| Akileraarutit naatsorsorneqassapput:                                                                                                   |                |
| Hovedkorti malillugu sap. Ak. ilanngaatisat tallimmat .....                                                                            | 6.730,00 kr.   |
| Akileraarusigassat .....                                                                                                               | 23.270,00 kr.  |
| Akileraarutit A-t 42%-it .....                                                                                                         | 9.773,40 kr.   |
| Koruuninut ilivitsunut qaninnernut qummut akunnaallillugit .....                                                                       | 9.774,00 kr.   |
| Feeriarnermi ajunngitsorsiasat feriekortimik (allatulluunniit naatsorsorneqarfiannik) tunniussinikkut pisassanngortinneqassapput ..... | 30.000,00 kr.  |
| - Akileraarutit A-t .....                                                                                                              | - 9.774,00 kr. |
| Ukiumi feeriarfissami tunniunneqartussat.....                                                                                          | 20.266,00 kr.  |

***Akissarsiaqarluni feeriarneq***

Taamatuttaaq akissarsiaqarluni feeriarnermi akileraarutitut ilanngaatisat maleruagassat nalinginnaasut malillugit naatsorsorneqassapput.

Akissarsiortoq akissarsiaqarluni feeriarinnaatitaaffeqaraluartoq maanna sulisitsisumini feeriasaminik katersaqqanngikkaluarluni feeriarpat, taamaattumillu feriekorti assigisaaluunniit sulisitsorisimasami tunniussaa atussappagu, taava piffissaq feeriarfia tamaat pisarnertut ilanngaateqartinneqassaaq, tassa imaappoq maanna sulisitsisumini qaammammusia ikinnerugaluartut akileraarutissat naatsorsorneranni qaammat tamakkerlugu

ilanngaateqartinneqassaaq. Tamatumanili piumasaavoq maanna sulisitsisup skattekortu feeriarnerup nalaani tigummissagaa.

**Malugiuk:** *Ilanngaati atorineqanngitsut piffissap aningaasarsiffissap tullianut nuunneqarsinnaammata).*

***Ilitsersuut – Akissarsiaqarluni feeriarneq***

- qaammammut akissarsialik, akissarsiaqarluni feeriarinnaatitaaffilik soraarpoq 1/4.

Feeriarnermi ajunngitsorsiasat sulisitsisup imatut naatsorsussavai :

|                                                                              |                   |
|------------------------------------------------------------------------------|-------------------|
| 1. Ukiumi qaangiuttumi akissarsiat 12%-ii .....                              | 28.800 kr.        |
| 2. Ukiumi soraarfimmi piffissami 1.1.-miit 31.3-mut akissarsiat 12%-ii ..... | 7.200 kr.         |
|                                                                              | <u>36.000 kr.</u> |

Akilaraarutit naatsorsorneqassapput:

|                                             |            |
|---------------------------------------------|------------|
| Taakkunannga Akilaraarutit A-t 42%-it ..... | 15.120 kr. |
|---------------------------------------------|------------|

**Eqqaamallugu:** Akissarsiortut akissarsiaqarlutik feeriartertut soraarnerinut atatillugu feeriarnermi ajunngitsorsiasaannik naatsorsuineri hovekorti malillugu ilanngaasiisoqartussaangimmat.

**Malugiuk:** Naatsorsuineri ukiut akissarsiaqarfiusut marluk pineqarluartut, akilaraarutit A-nik naatsorsuineri ukiumi soraarfimmi skattekortu malinneqassaaq. Feeriarnermi ajunngitsorsiasat tamarmiut ukiumi soraarfimmi akilaraaruserneqassapput.

Feeriarnermi ajunngitsorsiasat feriekortit marlunnik (allatulluunniit naatsorsorneqarfiinik) tunniussinikkut pisassanngortinneqassapput:

***1. Ukiup soraarfiup siuliani akissarsiat pillugit***

|                                                            |                   |
|------------------------------------------------------------|-------------------|
| Feeriarnermi ajunngitsorsiasat pisassat .....              | 28.800 kr.        |
| - Akilaraarutit A-t .....                                  | - 12.096 kr.      |
| Ukiumi soraarfimmi (feeriarnermi) tunniunneqartussat ..... | <u>16.704 kr.</u> |

***2. Ukiumi soraarfimmi akissarsiat pillugit***

|                                                                          |                  |
|--------------------------------------------------------------------------|------------------|
| Feeriarnermi ajunngitsorsiasat pisassat .....                            | 7.200 kr.        |
| - Akilaraarutit A-t .....                                                | - 3.024 kr.      |
| Ukiumi tullermi feeriarneqarsami (feeriarnermi) tunniunneqartussat ..... | <u>4.176 kr.</u> |

## 5. NUNANI TAMALAANI SULISUT AAMMA AKILERAARUTIT ILANNGAATIGINERAT

### 5.1 AKILERAARTUSSAATITAANEQ

Inuit Kalaallit Nunaanni najugaqartut imaluunniit minnerpaamik qaammatit arfinillit atasuinnarmik Kalaallit Nunaanniittut, feerallatsiarneq assigisaaluunniit eqqaassaangikkaani, tamakkiisumik akileraartussaataapput. Sulinerit qanoq ittulluunniit aamma aningaasarsiat A-t sulineq Kalaallit Nunaanni avataaniluunniit suliarineqarsimanersoq apeqqutaatinnagu tamakkiisumik akileraartussaataasooq akileraaruserneqassaaq.

Killilimmik akileraartussaataaneq. Inuit Kalaallit Nunaannut tikittut qaammatillu arfinillit ataallugit sulisut Kalaallit Nunaannut killilimmik akileraartussaataassapput. Kalaallit Nunaanni aningaasarsiat pissarsiarineqartut akileraartussaataanermi killilimmik akileraaruserneqartarput.

Malugiuk ataani takussutissiaq piffissani aalajangersimasuni sanaartornerni aatsitassarsiornernilu tamakkiisumik akileraarfiusunut tunngassuteqanngimmat. Tamakkiisumik akileraarlutik piffissami aalajangersimasumi sulisut ukiup affaa siulleq 35%-inik akileraartinneqartarput.

Taassuma kingorna isertitat nikingassutaannik akileraartussanngussapput. Imak paasillugu tamakkiisumik akileraarnermiit kommunimut akileraarutip ilanngunnerani nikingassut ilanngullugu akileraarutigineqartalissaaq, nunami suminngaanneerseq apeqqutaatinnagu.

|                                                                                       | Siusinnerusukkut uani akileraartussaaneq                                                                                                                                                                                                                                                                                                                                                                                                                                                                                                                                                                                                                                                           |                                                                                                                                                                                                                                                                  |
|---------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------|
|                                                                                       | <b>Kalaallit Nunaannik nunat marloriaam-mik akileraannginnissaq pillugu isuma-qatigiissuteqarfigisat Tassaapput Dan-mark, Norge, Savalimmiut aamma Island.</b>                                                                                                                                                                                                                                                                                                                                                                                                                                                                                                                                     | <b>Nunat allat.</b>                                                                                                                                                                                                                                              |
| <b>Kalaallit Nunaanni suli-sitsisoq</b>                                               | <p><b><u>Kalaallit Nunaanni ullut 1-14-it ata-qatigiissut:</u></b> Kalaallit Nunaannut akileraartussaataangilaq.</p> <p><b><u>Ullut -15-it ata-qatigiissut – Kalaallit Nunaanni qaammatit arfinillit:</u></b><br/>Ulloq siullermiik Kalaallit Nunaannut killilimmik akileraartussaataaneq. Siusinnerusukkut danskinut akileraartussaataappat: akileraarutit ilanngaatiginerat ata-qatigiissillugit imm. 5.2.</p> <p><b><u>Qaammatit arfinillit sinnerlugit Kalaallit Nunaanniinneq</u></b> (tamatumani ilanngullugit sivikitsumik Kalaallit Nunaata avataaniinnerit, soorlu sulinngiffeqarneq, assigisaalluunniit): Ulloq siullermiik Kalaallit Nunaannut tamakkiisumik akileraartussaataaneq.</p> | <p><b><u>Kalaallit Nunaanniinneq ullut 1-14-it ata-qatigiissut:</u></b> Kalaallit Nunaannut akileraartussaataangilaq.</p> <p><b><u>Kalaallit Nunaanniinneq ullut 15-it ata-qatigiissut:</u></b><br/>Kalaallit Nunaannut tamakkiisumik akileraartussaataaneq.</p> |
| <b>Kalaallit Nunaata avataani sulisitsisoq</b><br>sulisumik<br>attartortitsisarnermut | <b>Najugaqarnerup ullut 183-it qaangissanngilai:</b><br>Danmarkimi/Savalimmiuni/Islandimi/Norgemi akilerartitsisoqassaaq.                                                                                                                                                                                                                                                                                                                                                                                                                                                                                                                                                                          | <b><u>Kalaallit Nunaanniinneq ullut 1-14-it ata-qatigiissut:</u></b> Kalaallit Nunaannut akileraartussaataangilaq.                                                                                                                                               |

|                                                                                                                                    |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                |                                                                                                                                                                                                                                                                                    |
|------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------|
| ilaanngilaq aamma danskit<br>oqartussaasuinit<br>akilerneqarani                                                                    | <b><u>Najugaqarnerup ullut 183-it<br/>qaangerpagit:</u></b> Inuk Kalaallit Nunaannut<br>tamakkiisumik<br>akileraartussaataaassaaq,<br>akissarsiarisaasullu tamakkerlugit ulloq<br>siullermiit Kalaallit Nunaannit<br>akileraaruserneqassapput.                                                                                                                                                                                                                                                                                                                                                                                                                                                                                                                                                                                                                 | <b><u>Kalaallit Nunaanniinneq ullut 15-t<br/>ataqatigiissut:</u></b><br>Ulloq siullermiik Kalaallit Nunaannut<br>tamakkiisumik akileraartussaataaneq –<br>sulisitsisoq unerartitsisussaataaavoq, ,<br>Sulinal-mut nalunaartussaataaavoq<br>kiisalu akiliinissamut pisussaataaavoq. |
| <b>Sulisunik<br/>attartortitsisarneq</b>                                                                                           | <b><u>Qaammatit arfinillit ataallugit najugaqarneq:</u></b><br>Ulloq siullermiit Kalaallit Nunaannut killilimmik akileraartussaataaneq.<br>Peqatigitillugu sulisoq Kalaallit Nunaannut akileraartussaataappat, akileraarutit<br>ilanngaatinerat ataqatigiissillugu atorineqassaaq.<br><br><div data-bbox="478 656 1468 763"> <b><u>Sulisitsisoq danskiusoq:</u></b><br/>Sulisitsisut danskit akileraarutininik A-nik unerartitsissapput.         </div> <div data-bbox="478 772 1468 907"> <b><u>Sulisitsisut nunanit allaneersut, Kalaallit Nunaanni aalajangersimasumik<br/>sumiiffimmi ingerlatsiveqanngitsut:</u></b><br/>Suliffeqarfik, kikkunnut suliaqartitaasoq, unerartitsisussaataaavoq.         </div><br><b><u>Qaammatit arfinillit qaangerlugit najugaqarneq:</u></b><br>Ulloq siullermiik Kalaallit Nunaanni tamakkiisumik akileraartussaataaneq |                                                                                                                                                                                                                                                                                    |
| <b>Danskit sinniisuusartut<br/>allaffianit (vikarbureauer)<br/>ass. peqqinnissaqarfik</b>                                          | <b><u>Qaammatit arfinillit ataallugit najugaqarneq:</u></b><br>Kalaallit Nunaannut ulloq siullermiit killilimmik akileraartussaataaneq.<br><br><b><u>Qaammatit arfinillit qaangerlugit najugaqarneq:</u></b><br>Ulloq siullermiik Kalaallit Nunaanni tamakkiisumik akileraartussaataaneq                                                                                                                                                                                                                                                                                                                                                                                                                                                                                                                                                                       |                                                                                                                                                                                                                                                                                    |
| <b>Danmarkimi pisortani<br/>atorfillit, danskimi<br/>sulisitsisumi nammeneq<br/>atorfimminni<br/>ingerlaqqittut</b>                | <b><u>Ullut 1-60-it Kalaallit Nunaanni najugaqarneq:</u></b> Danmarkimi taamaallaat<br>akileraartinneqassaaq<br><br><b><u>Najugaqarnerup ullut 60-it qaangerpagit, kisianni qaammatinik arfinilinnik<br/>annikinnerulluni:</u></b><br>Kalaallit Nunaannut killilimmik akileraartussaataaneq. Danskit/kalaallit<br>akileraarutininik ilanngaasiinerat ataqatigiissoq.<br><br><b><u>Najugaqarnerup qaammatit arfinillit qaangerpagit:</u></b><br>Ulloq siullermiik Kalaallit Nunaanni tamakkiisumik akileraartussaataaneq.                                                                                                                                                                                                                                                                                                                                       |                                                                                                                                                                                                                                                                                    |
| <b>Akissarsiutigalugu,<br/>eqqumiitsuliortut,<br/>timersortartut<br/>assigisaallu, Kalaallit<br/>Nunaanni<br/>najugaqanngitsut</b> | Kalaallit Nunaanni<br>akileraartinneqarsinnaapput.                                                                                                                                                                                                                                                                                                                                                                                                                                                                                                                                                                                                                                                                                                                                                                                                             | Ulloq siulleg sammisaqarnermit<br>killilimmik akileraartussaataaneq.                                                                                                                                                                                                               |

## 5.2 AKILERAARUTIT ILANNGAATIGINERAT ATAQATIGIISQ – KALAALLIT DANSKILLU AKILERAARUTAAT

Kalaallit Nunaat Danmarkilu marloriaammik akileraanginnissaq pillugu isumaqatigiissuteqarput. Isumaqatigiissutit kinguneraa, inuit Danmarkimeersut piffissami qaammatit arfinillit ataallugit Kalaallit Nunaanni sulisut ataqatigiissumik akileraarutitut ilanngaaserlugit akileraaruserneqartarnerat. Ataqatigiissillugu ilanngaatiginerat tamatigut atornerqartarpoq innuttaasoq Kalaallit Nunaannut killilimmik akileraartussaataagaangat peqatigitillugulu Danmarkimut akilerartussaataalluni.

### **Akuleriimmik akileraartarnerup tunngaviisa pingaarnersaat**

Kalaallit Nunaannut akileraarusigassat Kalaallit Nunaanni maleruagassat malillugit naatsorsorneqartarput. Danmarkimut akileraarusigassat danskit maleruagassat malillugit naatsorsorneqartarlutik.

Takuuk Kalaallit Nunaata Danmarkillu marloriaammik akileraarnissaq pinngitsoorniarlugu isumaqatigiissutaat aamma akileraartarnermut inatsimmi §2 imm. 1.

Kalaallit Nunaannut akileraarusigassanik naatsorsuineq Kalaallit Nunaanni akileraartarnermut inatsit malillugu pisarpoq. Skattekortimilli tunniussisoqassanngilaq. Tassunga taarsiullugit atornerqartarput ilanngaattissatut angissusiliussat, Akileraartarnermut Aqutsisoqarfiup ukiumoortumik tamanut nalunaarutigisagai [www.AKA.gl](http://www.AKA.gl) -imi nalunaarummi uani takuneqarsinnaasut 'Killilimmik akileraartussaasut akuleriimmik akileraarutissaannik naatsorsuinissami ilanngaattissat - F9'.

Danmarkimi akileraarusigassanik naatsorsuineq danskit akileraarusiissarneq pillugu maleruagassat malillugit pisarpoq.

Soraarnerussutisiassanik akileraarusiissarneq pillugu maleruagassat Kalaallit Nunaanni naatsorsuinermit atornerqartut, Kalaallit Nunaanni soraarnerussutisiat pillugit maleruagassat malippaat. Soraarnerussutisiassanik akileraarusiissarneq pillugu maleruagassat Danmarkimut akileraarutissanik naatsorsuinermit atornerqartut, danskit soraarnerussutisiat pillugit maleruagassat malippaat.

Feeriarnermi ajunngitsorsiasiassanik Kalaallit Nunaannut akileraarutissat A-t naatsorsorneranni, akuleriimmik akileraartinneqarneq atuutsillugu skattekortikkut ilanngaateqartitsisoqanngisaannassaaq.

**Pingaarutilik:** Nalunaaruteqarnermi makku eqqumaffigineqassapput:

- Kalaallit Nunaanni sulinermit Kalaallit Nunaannut akileraarutit salliutinneqartussaapput. Kalaallit Nunaannut akileraartoqaqqaassaaq. Danmarkimut akileraarutit qaffasinneruppata, taava akileraarutit nikingassutaat Danmarkimut akilerneqassaaq. Kisitsisit taakku marluk assigiippata, imaluunniit Kalaallit Nunaannut akileraarutit qaffasinneruppata, taava Danmarkimut akileraarutit 0 kr.-iussapput.
- Kalaallit Nunaannut akileraarutit Sulinal-imut nalunaarutigineqassapput kommunip, sulinerup aallartiffigisaata ilisarnaataa nalunaarlugu. Taassuma kingorna Danmarkimut akileraarutissaajunnartut Sulinal-imut nalunaarutigineqassapput skattekode 21 nalunaarlugu.
- Akeqanngitsumik ajunngitsorsiat nalingi aningaasarsiat A-tulli akileraaruteqaataasussaapput.

**Naatsorsuinnermut ilitsersuut – Akuleriimmik akileraartarneq**

|                                                                                               |             |
|-----------------------------------------------------------------------------------------------|-------------|
| Sulinikkut akissarsiat, aningaasarsiat A-t .....                                              | 45.000 kr.  |
| Piffissaq .....                                                                               | Qaammat 1   |
| Ukioq aningaasarsiorfik (ilanngaattissat suuneri F9-mi takukkit) .....                        | 2025        |
| Akissarsiat qaavatigut soraarnerussutisiaqalernissamut katersanut sulisitsisup akiligai ..... | 5%          |
| Akissarsianut ilanngaatsilluni soraarnerussutisiaqalernissamut katersanut akiliutit .....     | 4%          |
| Nuna soraarnerussutisiaqalernissamut katersivik .....                                         | Danmark     |
| Akeqanngitsumik ajunngitsorsiat .....                                                         | Soqanngilaq |

**Danmarkimut akileraarutit ilanngaattillu**

|                                                                            |                 |
|----------------------------------------------------------------------------|-----------------|
| Danmarkimi sulisoqarnermut akileeqataassut (AM-bidrag).....                | 8%              |
| Danmarkimi skattekortit malillugu akileraarusiissut .....                  | 39%             |
| Danmarkimi skattekortit malillugu ilanngaattissat .....                    | 3.000 kr.       |
| ATP-imut sulisup akiliutai, qaammamut akunnerit 117 sinnerlugit .....      | 99 kr. 2025-mi  |
| ATP-imut sulisitsisup akiliutai, qaammamut akunnerit 117 sinnerlugit ..... | 198 kr. 2025-mi |
| Kommuni akileraarfik .....                                                 | 21-Danmark      |

**Kalaallit Nunaannut akileraarutit ilanngaattillu**

|                                                                                       |            |
|---------------------------------------------------------------------------------------|------------|
| Kommuni akileraarfik .....                                                            | Sermersooq |
| Kalaallit Nunaanni skattekortit malillugu akileraarusiissut .....                     | 42%        |
| Kalaallit Nunaanni sulisoqarnermut akitsuut (AMA) – Sulisitsisoq namminersortoq ..... | 2,1%       |
| Ilanngaattit, F9 qaammat 1 .....                                                      | 5.083 kr.  |

**Kalaallit Nunaannut Danmarkimullu akileraarutissat kisinnerat****Kalaallit Nunaannut akileraarutit**

|                                                                      |             |
|----------------------------------------------------------------------|-------------|
| Isertitat A-t, aningaasarsiat                                        | 45.000 kr.  |
| Ilanngaattit, soraarnerussutisiaqalernissamut nammineerluni katersat | - 1.800 kr. |
| Ilanngaattit, F9 qaammat 1                                           | - 5.083 kr. |
| Ilanngaattit, ATP                                                    | - 99 kr.    |
| Akileraarusigassat Kal. Nun.                                         | 38.018 kr.  |
| Taakkua akileraarutaat 42%                                           | 15.968 kr.  |

**Soraarnerussutisiassat akileraaruserneqarneri**

|                                      |                   |
|--------------------------------------|-------------------|
| Pension Kal. Nun. avataaniittut      | 2.250 kr.         |
| Taakkua akileraarutaat A-t 42%       | 945 kr.           |
| Pension nammineq akilikkat           | 1.800 kr.         |
| Taakkua akileraarutaat               | 756 kr.           |
| Kalaallit nunaannut akileraarutissaq | <b>17.669 kr.</b> |

**Danmarkimut akileraarutit**

|                                                                         |                   |
|-------------------------------------------------------------------------|-------------------|
| Isertitat A-t, aningaasarsiat                                           | 45.000 kr.        |
| Ilanngaattit, soraarnerussutisiaqalernissamut nammineerluni katersat    | - 1.800 kr.       |
| Ilanngaattit, ATP                                                       | - 99 kr.          |
| ATP soraarnerussutisiassallu peereerlugit                               | 43.101 kr.        |
| Sulisoqarnermut akileeqataassut, akissarsiat 8%-iat                     | - 3.448 kr.       |
| Isertitat A-t akileraaruteqaataasussat                                  | 39.653 kr.        |
| Ilanngaattit peereerlugit                                               | - 3.000 kr.       |
| akileraarusigassat                                                      | 36.653 kr.        |
| 36.653 kr.-nit akileraarutai A-t 39%                                    | - 14.295 kr.      |
| Tunniussassat naatsorsornerat                                           | 25.358 kr.        |
| Akileraarutit A-t AM-imullu akiliutit katillugit 14.295 kr. + 3.448 kr. | <b>17.743 kr.</b> |

**Akilaraarutitut akissarsianullu tunngasunik Sulinalimut nalunaaruteqarneq**

|                                                                                   |               |
|-----------------------------------------------------------------------------------|---------------|
| Isertitat A-t soraarnerussutisiassat nammineerluni akilikkat ilanngunnagit .....  | 43.200 kr.    |
| Kalaallit Nunaannut akilaraarutit A-t (Akilaraarusigassanit) .....                | 15.968 kr.    |
| Nunani allani soraarnerussutisiassat (sulisitsisumit namminerlu akilikkat) .....  | 4.050 kr.     |
| Nunani allani soraarnerussutisiassat akilaraarutaat .....                         | 1.701 kr.     |
| <i>Qallunaat akilaraarutaannut nikingassut:</i>                                   |               |
| Danmarkimut akilaraarutissat A-t sulisoqarnermullu akileeqataassutissat .....     | 17.743 kr.    |
| Kal. Nunannut + Nunanilu allani soraarnerussutisiassat akilaraarutissat A-t ..... | - 17.669 kr.  |
| <b>Katillugit</b>                                                                 | <b>92 kr.</b> |

**Sulisoqarnermut Akitsuut (AMA)**

|                                                                                            |                |
|--------------------------------------------------------------------------------------------|----------------|
| Kal. Nunaanni isertitat A-niit AMA, 2,1% (2025) akissarsianiit aamma sulisitsisumiit ..... | 907 kr.        |
| Kal. nunaata avataani soraarnerussutisiassanut ileqqaakkaniit AMA .....                    | 85 kr.         |
| AMA tamakkiisoq .....                                                                      | <b>992 kr.</b> |

Sulisorisap akissarsiaata allagartaani allanneqassapput kalaallit nunaanni aammalu qallunaat nunaanni soraarnerussutisiassat akilaraaruserneqarneri.

Sulisitsisutut ATP sulisorisap soraarnerussutisiassaata akilaraarutitaat soraarnerussutisiassanik ileqqaarfigisaanut nalunaarsussavat, imatut:

**ATP**

|                                                |         |
|------------------------------------------------|---------|
| ATP sulisoq sinnerlugu akilerneqartussaq ..... | 99 kr.  |
| ATP sulisitsisumit akilerneqartussaq .....     | 198 kr. |

**Soraarnerussutisiassanik ileqqaariffigisamut nalunaaruteqarneq**

|                                                              |           |
|--------------------------------------------------------------|-----------|
| Soraarnerussutisiassat, Sulisitsisup akiligai .....          | 1.305 kr. |
| Taakkua akilaraarutaat .....                                 | 945 kr.   |
| Soraarnerussutisiassat, Sulisup nammineerluni akiligai ..... | 1.044 kr. |
| Taakkua akilaraarutaat .....                                 | 756 kr.   |

Soraarnerussutisiassanut akiliutit akilaraaruserneqareersut sulisitsisup nalunaarutiginnippagit, piffissami akiliiffiusumi aamma piffissami tunniussiffiusumi sulisup akilaraaruserneqarsinnaanera aarlerinarsinnaavoq.

### Akuleriimmik akileraartarneq – Sulinalimi imatut nalunaarsuissaatit

Sulinalimi digitalimik nalunaarsuiguit sulisumut ataatsimut quleriaaniq marlunnik immersuissaatit. Siullermi kallaallit nunaanni kommuni akileraarfik toqqassavat, tulliani Danmark toqqarlugu. Isertitat A-t, akileraarutillu A-t Kalaallit Nunaanni akileraarfiup nalaani taamaallaat allanneqassapput. Kalaallit Nunaanni kommunimut akileraarutissat Danmarkimi akileraarutissanik ilanngaatigeriarlugu sinneruttut taamaallaat Danmarkimi akileraarfiup nalaani allanneqassapput. Kalaallit Nunaanni akileraarfiup nalaaniittut "Udenl.pensionsbidrag" aamma "A-skat af udenl. pensionsbidrag"-ilu kisimik immersorneqassapput.

Sukumiisumik nalunaarsuut qaammammoortoq nutaaq

Ukioq: 2025 Qaammam: Marsi

Isertitat A-t: 0 Kr. AMA (sulisoqarnermut akitsuut): 0 Kr. [AMA naatsorsoruk](#)

Akileraarutit A-t: 0 Kr.

Nunani allaneersut pensionimut tapiissutai isertitat tamakkerlugit: Kr. Akileraarutit A-t nunani allaneersut pensionimut tapiissutaaneersut: Kr.

---

Immikkoo: Immikkoo

**Isertitat A-t** **Kal. Nun. akileraarut** **Pension taakkualu akileraarutaat**

| CPR-normu | Kommune    | Isertitat A-t | Akileraarutit A-t | Pensioninut tapiissutit nunani allaneersut | Akileraarutit A-t nunani allaneersut pensioninut tapiissutineersut | Peeruk |
|-----------|------------|---------------|-------------------|--------------------------------------------|--------------------------------------------------------------------|--------|
| ✓         | Sermersooq | 43200 Kr.     | 15968 Kr.         | 4050 Kr.                                   | 1701 Kr.                                                           | Peeruk |
| ⚠         | Danmark    | 0 Kr.         | 166 Kr.           | 0 Kr.                                      | 0 Kr.                                                              | Peeruk |
|           |            | 43200 Kr.     | 16134 Kr.         | 4050 Kr.                                   | 1701 Kr.                                                           |        |

**Sulisup CPR-ia** **DK-mut akileraarutip nikingassutaa**

Nalornissuteqaruit taava Sulinal attavigisinnaavat uunga: [sulinal@nanoq.gl](mailto:sulinal@nanoq.gl)

### 5.3 SULISUNIK NUNANIT ALLANEERSUNIK ATTARTORNEQ

Sulisunik nunanit allaneersunik attartorneq pisarpoq suliffeqarfik Kalaallit Nunaanni angerlarsimaffeqanngitsoq inummik nunami maani sulisussamik atukkerneqaraangat. Unerartitsisussaataavoq nunami maani suliamik suliaqartitsisoq.

Takuuk akileraartarnermut inatsimmi § 76, imm. 4.

Suliffeqarfiit nunani allani suliffeqarfiit sulisuinik attartortut ukioq aningaasarsiorfik 2025 aallarnerfigalugu Akileraartarnermut Aqutsisoqarfimmut makkuninnga paasissutissiisapput:

- Suliffeqarfik suna sulisuinik attartorfigineqarnersoq, matumani ilanngullugu suliffeqarfiup inuussutisarsiummik ingerlataqartutut nalunaarsorneqarnerata normua.
- Suliffeqarfiup nunamit allameersup sulisui qassit attartorneqarnersut.
- Sulisut piffissami sumi attartorneqarnersut (Ullui, soorlu 01.01. 2025-miit 31.3.2025-mut.)

Nalunaaruteqarneq inuit attartorlugit sulisitsisup CVR-nr.-a atorlugu pissaaq elektroniskiusumik imaluunniit nassuiaatip sukumiisup qaammatikkaartup A1-ip immersorneratigut, tamannalu kingusinnerpaamik pissalluni qaammatisiutit malillugit qaammatip suliffeqarfimmut isumaqatigiissuteqarfiusup tulliaata ulluisa 10-anni.

#### **Assersuut**

Suliffeqarfik inunnik marlunnik attartorniarluni nunami allami suliffeqarfimmut januar 2025-mi isumaqatigiissuteqarpat, taava tamanna kingusinnerpaamik nalunaarutigineqassaaq 10. februar 2025.

Nalunaaruteqartussaataitanerup sulisut nunanit allaneersut Kalaallit Nunaanni sulinerminni akileraarutini akiliisussaananerata qulakkeereqataaffigissavaa.

Takuuk Inatsisisartut inatsisaat nr. 56, 25. november 2024-meersoq.

Paasissutissanik immersuiiffissaq Akileraartarnermut Aqutsisoqarfiup internetikkut nittartagaani takusinnaavat.

## 6 ANINGAASARSIANIK ILANNGARTUINEQ

Inuk aningaasarsianik A-nik akissarsisitat pisortanut imaluunniit selskabinut pisortanit pigineqartunut akiitsoqarpat, illit sulisitsisutut pisortanut akiitsunut matussutissanik ilanngartueqqullutit piumaf-figineqarsinnaavutit.

Takuuk akileraartarnermut inatsimmi § 101 aamma akiliisitsiniartarnek pillugu inatsimmi § 3.

Aningaasarsianik ilanngartuinermit tunngavigineqassapput aningaasat tiguisussap, akileraarutit unerartin-neqareerneranni aamma sulisoqarnermut akitsuutip naatsorsorneqareernerani pisassarisai.

Ilanngartuineq pisinnaavoq akissarsiassanit aammalu aningaasarsiassanit allanit, kiisalu soraarnerussutisiaqar-nissamut aaqquissuussinernit tunniunneqartunit. Aammattaaq ilanngartuineq pisinnaavoq aalisarnermit, piniarnermit, aal-laaniarnermit, savaateqarnermit tuttuuteqarnermillu tunisa-qarnermit isertitanit.

Takuuk akiliisitsiniartarnek pillugu inatsimmi § 3, imm. 2.

Akileraartarnermut inatsimmi maleruagassat aamma eqqar-tuussisarnermik inatsimmi maleruagassat naapertorlugit ilanngartuisoqarpat, akileraarutit ilanngaaticigereerlugit akiitsul-lip akissarsiassaasa annerpaamik 33,33%-iinik ilanngar-tuisoqarsinnaavoq.

Takuuk Kalaallit Nunaanni eqqartuussisarnermik inatsit § 625, imm. 2 aamma takuuk akileraartarnermut inatsimmi § 101, imm. 6, Inatsisartut inatsisaatigut nr. 72, 20 november 2023-meersukkut allannguuteqartinneqartoq.

**Assersuut:** Akissarsiortoq meeqqanut akilersuutininik eqqaaveqarnermullu akiligassanik pisortanut akiitsoqarpat, taava sulisitsisoq qinnuigineqarsinnaavoq aningaasat tunniunneqartussat – tassa imaappoq akileraarutit A-t ilanngaaticigineqareerneranni - annerpaamik 33,33%-iinik ilanngaassueqqullugu.

Akissarsiat ilaannik ilanngartuisoqartinnagu allanut matussutissanik ilanngaasoqassanngilaq, soorlu sulisartut peqa-tigiiffiannut ilaasortaanermut akiliutit ilanngartuisoqartinnagu ilanngaaticigineqarsinnaanngillat.

Akissarsiat ilaannik ilanngartueqqussut akissarsiortup Akileraar-tarnermullu Aqutsisoqarfiup akornanni nammineq kajumis-sutsimik isumaqatigiisummik tunngaveqarpat, akissarsiassat tunniunneqartussat 33,33%-iinit annerusumik ilanngartu-inissamut periarfissaqarpoq,

Takuuk akiliisitsiniartarnek pillugu inatsimmi § 3. Inatsisartut inatsisaat nr. 3, 2. maj 1996-meersoq kingusinnerusukkullu allannguutai.

### ANINGAASARSIANIK ILANNGARTUINEQ

Innuttaasut amerlasuut ajornartorsiu-teqarsimapput, akiitsutillu akissarsia-minnit ilanngartuunneqarnermikkut piffissap ilaani akilersorsimallugit.

Akissarsianik ilanngaassuisarneq akis-sarsiortut akiitsuminnik akilersuiniis-saannut iluaqutaasarpog.

Illit sulisitsisutut akissarsianit ilanngar-tuusseqquneqaraluarlutit taamaaliun-ngikkuit aningaasat akiitsorineqartut akilernissaannut akisussaasunngus-saatit.

### AKISSARSIANIK ILANNGARTUUSSINEQ – IMATUT ILIUSSAATIT

Sulisuit akissarsiaannik ilanngartuiniis-saq pillugu isumaqatigiissusiorsinnaa-vutit Sullissivik.gl-imi.

’Inuussutissarsiortut’ ataani ’Akissarsia-nik ilanngartuineq’ ujassavat. Tassa-niippoq ilitersuut.

Akissarsianik ilanngartuisarnermik ma-leruagassat pillugit nalornissuteqaruit, taava Akiliisitsiniartarfik attavigiuk.

Feeriarnerisutit suugaluilluunniit, taakku aningaasartaat aningaasarsiat annerpaamik 15%-erippatigit, akiliisitsiniartarneq pillugu inatsimmi § 3 malillugu nammineq kajumissutsimik isumaqatigiissut tunngavigalugu ilanngartuiffigineqarsinnaanngillat.

Takuuk akiliisitsiniartarneq pillugu inatsimmi § 4.

### **Naatsorsuinissamut assersuut – Akissarsianik ilanngartuineq**

Akissarsianik ilanngartuinissamut tunngavissaq:

|                                                                                                                             |             |
|-----------------------------------------------------------------------------------------------------------------------------|-------------|
| Akissarsiat .....                                                                                                           | 15.000 kr.  |
| ATP-mut aamma soraarnerussutisiaqarnissamut aqqissuussinernut ilanngaaticigineqarsinnaasunut akiliutit .....                | - 800 kr.   |
|                                                                                                                             | 14.200 kr.  |
| Akilaraarutit A-t skattekortit malillugu ilanngaatic procentilu akilaraarusiissutit tunngavigalugit unerartinneqartut ..... | - 4.144 kr. |
| Tunniunneqartussat (ilanngartuisoqassappat ilanngaataasussat sioqqullugit) .....                                            | 10.056 kr.  |
| Akissarsianik ilanngartuineq 30% .....                                                                                      | - 3.017 kr. |
| Akissarsiortup tigusassai .....                                                                                             | 7.039 kr.   |

Assersuut malillugu ilanngartuinissamut tunngavissat tassaapput 'Tunniunneqartussat'.

Akilaraartarnermut inatsimmi maleruagassat naapertorlugit ilanngartuinerit eqqartuussisarnermik inatsimmi maleruagassat naapertorlugit ilanngartuinermit salliutinneqassapput.

Akilaraarutitut akiitsut sulisut akissarsiaanik ilanngartuinermeersut, sulisut sinnerlugit akilerneqarnissaannut piffissaliussat, qaammatikkaartumik nassuiaatit sukumiisut malillugit akilaraarutitik akiliinissamut piffissaliussat assigiinnarpaat. **Takuuk immikkoortoq 9.1.**

### **Sulisitsisup akiliinissamut taarsiinissamullu akisussaatitaasinnaanera**

Sulisitsisutut ilanngartuussinissamik peqquneqaruit aningaasat akilerneqanngitsut akilerneqarnissaannut akisussaasunngussaait. Tamanna atuuppoq akissarsianik ilanngartuisussaatitaanerpit akiliisitsiniartarneq pillugu inatsimmi, akilaraartarnermut inatsimmi imaluunniit eqqartuussisarnermik inatsimmi maleruagassanik tunngaveqarnera apeqquataatinnagu.

Takukkit akiliisitsiniartarneq pillugu inatsimmi § 3, imm. 5, akilaraartarnermut inatsimmi § 101, imm. 8, tak. § 93, imm. 1 aamma Kalaallit Nunaanni eqqartuussisarnermik inatsimmi § 627.

### **Akissarsianik ilanngartuineq pillugu nalunaaruteqartarneq**

Akissarsianik ilanngartuinerit Akilaraartarnermut Aqutsisoqarfimmut qaammatit tamaasa nalunaarutigineqartassapput sulinal.gl aqqutigalugu.

## 7 AKISSARSIORTUMUT PAASISSUTISSIISUTIT

Aningaasarsianik A-nik akissarsisitsisaruit pissarsisoq paasissutissanik assigiinngitsunik tunisussaavat. Aningaasarsianik A-nik pissarsisut paasissutissanik sunik tunissaneritit, paasissutissallu suut Akileraartarnermut Aqutisoqarfimmut tunniutissaneritit kapitalimi uani eqqartorneqarput.

### 7.1 AKISSARSIORTUMUT NALUNAARUTIT (AKISSARSIAT ALLAGARTAAT)

Aningaasarsianik A-nik akissarsisitsisartut akileraarutinillu unerartitsisartut tamarmik pissarsisumut paasissutissiisussaapput.

Sulisitsisuuguit akissarsiortup akissarsiassaanik tunineratut atatillugu naatsorsukkamik (akissarsiat nalunaarsorneqarfiannik) makkuninnga imaqtumik tunissavat:

- Aningaasarsiat A-t akileraarutillu A-t unerartinneqartut
- Piffissaq akissarsiffiusoq
- periode lønnen vedrører
- Sulisitsisup aqqa, najugaa, sulisitsisutut kommunia aamma CVR-nr.-a
- Akissarsiortup aqqa inuttullu normua
- Inuttut normua amigaatigigukku akissarsiortup ulloq, qaammat ukiorlu inuuia allassavatit.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 17.

Akissarsiortup akissarsiat allagartai toqqortarisariaqarpai, tassaammatami akileraarutinit A-nut unerartinneqartunut uppersaatit.

### 7.2 FERIEKORTI AAMMA FEERIASSAT PILLUGIT PAASISSUTISSAT

Sulisitsisutut pisussaavutit sulisuit feeriarnissamut periarfissaannik qulakkeerissallutit.

Feeriarnermi ajunngitsorsiat akileraarutinit ilanngarneqarneranni akissarsiortoq, feeriarnermi ajunngitsorsiat taakkulu akileraarutaat unerartinneqartut pillugit naatsorsukkamik tunineqassaaq. Feriekorti assigisaaluunniit atorineqarpat paasissutissat tassani allaqqanissaat naammappoq. Sulisitsisut amerlasuut akissarsiat allagartaat feeriarnermi ajunngitsorsiat tamarmiusut, feeriarnermi ajunngitsorsiat ilanngariikkat (akileraaruserneqareersut) akileraarutillu akilerneqartut nalunaarnerannut atortarpaat.

#### AKISSARSIAT NALUNAARSORNEQARFIAT

Akissarsiat nalunaarsorneqarfiat paasissutissanik assigiinngitsunik imaqtussaavoq.

Taanna ulluinnarni taaneqartarpoq akissarsiat allagartaat.

## 8 AKILERAARTARNERMUT AQUTSISOQARFIMMUT PAASSISSUTISSISUTIT – NASSUIAATIT SUKUMIISUT

Maleruagassat uku sulisitsisunut sulisoqarlutik aningaasarsianik A-nik akissarsisitsisartunut tamanut atuupput. Sulisitsisut tamarmik nassuiaatinik sukumiisunik qaammatikkaartunik (A1), aningaasarsiat allagartaannik ukiumoortunik (A11) aamma akissarsiarititanut nalunaarummik (A10) nassiussisussaataapput.

### Digitalimik nalunaarsuineq

Akilerartarnermut Aqutsisoqarfiup sulisitsisut tamarmik sulinal.nanoq.gl-ikkut digitalimik nalunaaruteqartarnissaat inassutigaa. Digitalimik nalunaaruteqartarnikkut paassissutissat qaammatini siusinnerusuneersut sulisitsisut pisariitsumik takulertorsinnaallugillu qaammatikkaartumik nalunaaruteqartarnerminni atorsinnaavaat. Digitalimik nalunaaruteqartarnikkut ukiumoortumik nalunaaruteqarnissami nassuiaatit sukumiisut qaammatikkaartut tunngavigissallugit pisariinneruvoq. Taassumalu saniatigut digitalimik nalunaaruteqarnikkut sulisoqarnermut akitsuut angissutsit atuuttut malillugit automatiskimik naatsorsorneqartarpoq.

Sulisitsisut 20-nik taakkunanngaluunniit amerlanerusunik sulisoqartut digitalimik nalunaaruteqartussaapput. Sulisitsisoq 20-nit ikinnerusunik sulisoqartoq, aammalu internetikkut attaveqarsinnaasoq digitalimik nalunaaruteqartarnissamik peqquneqarsinnaavoq.

Takuuk Namminersorlutik Oqartussat nalunaarutaat nr. 10, 20. september 2011-meersoq, § 12, imm. 2 aamma 3 aammalu § 28, imm. 2.

### Immersugassat atorlugit nalunaarsuisarneq

Sulisitsisut digitalimik nalunaaruteqarsinnaanngitsut, paassissutissat nassuiaat sukumiisoq A1 atorlugu qaammatikkaartumik nalunaaruteqartassapput.

Takuuk Namminersorlutik Oqartussat nalunaarutaat nr. 10, 20. september 2011-meersoq, §§-it 12, imm. 5 aamma 28, imm. 4.

Nalunaaruteqarnissami immersuiffissat sulinal.nanoq.gl-imi takuneqarsinnaapput. Immersugassat immersoriikkat Akilerartarnermut Aqutsisoqarfimmut tunniunneqassapput uungaluunniit nassiunneqarlutik [sulinal@nanoq.gl](mailto:sulinal@nanoq.gl).

### ILITERSUUTIT SUKUMIINERUSUT

Immersugassat, qarasaasiakkut nalunaaruteqarnissamut formatitut nassuiaatit aamma skemanut ilitersuutit angissusiliussallu nutartikkat Sulinal-ip nittartagaani sulinal.nanoq.gl-imi aamma Sullissivik.gl-imi takuneqarsinnaapput. Tamarmik nassuiaatinut sukumiisunut qaammatikkaartunut, akissarsiat allagartaannut ukiumoortunut aamma akissarsiarititanut nalunaarummut tunngapput.

Kiisalu sulisitsisunut nalunaarutit tamarluinnaasa Sulinal.nanoq.gl-imi takusinnaavatit.

## 9 ANINGAASARSIAT A-T, AKILERAARUTIT A-T KIISALU SULISOQARNERMUT AKILIUTISSAT PILLUGIT QAAMMATIKKAARTUMIK NASSUIAAT SUKUMIISOQ

Sulisitsisup qaammatisiutit malillugit qaammatit tamaasa, qaammammi ilanngaassiffiusumi akissarsiortut ataasiakkaat aningaasarsiaat A-t (akileraarutinik ilanngarneqanngitsut) aamma akileraarutaat A-t unerartitat kiisalu sulisoqarnermut akitsuut akissarsiartitat pillugit paasissutissiisassaaq.

Takuuk Nam. Oq. nalunaarutaat nr. 10, 20. september 2011-meersoq, §§-it 12, imm. 1 aamma 28.

### Eksempel på beregning af en indberetning for juli 2025:

|                                                                         |             |
|-------------------------------------------------------------------------|-------------|
| A1 malillugu akissarsiartitat tamarmiusut .....                         | 100.000 kr. |
| A1 malillugu akileraarutit A-t tamarmiusut .....                        | 32.000 kr.  |
| Sulisoqarnermut akitsuut akissarsiartitat 100.000 kr.-it 2,1%-iat ..... | 2.100 kr.   |
| Akiligassat katillugit.....                                             | 34.100 kr.  |

### 9.1 PIFFISSALIUSSAT

Nassuiaat sukumiisoq Sulinal-imut kingusinnerpaamik nassiunneqassaaq qaammatip ilanngaassiffiup tulliani qaammatip ulluisa qulinganni. Qaammatip ulluisa qulingat arfininngorneruppat, sapaataappat nalliuttuuppalluunniit nassitsinissamut piffissaliussaq ulluinnarmut tullermut sivitsorneqassaaq.

Takuuk akileraartarnermut inatsimmi § 81, imm. 3.

Nassuiaat sukumiisoq piffissaq eqqorlugu nassiunneqanngippat sulisitsisup qaammammi pineqartumi "akiliisitsissut", akileraarutit A-t 1%-iattut annertutigisoq akilissavaa. Akiliisitsissut minnerpaamik 500 koruuniuvoq annerpaamillu 1.000 koruuniulluni. Immikkut pissutissaqartillugu sulisitsisup akiliutissamik Sulinal-imit akiliinngitsoortinneqarsinnaavoq.

Takuuk akileraartarnermut inatsimmi § 81, imm. 4.

### "0-imik nassuiaat sukumiisoq "

Sulisitsisup qaammammi aningaasarsianik A-nik akissarsitsinngikkaluarpalluunniit nassuiaat sukumiisoq (0-imik nassuiaat sukumiisoq) nassiunneqassaaq. Sulinal-imi nalunaarsorneqarsimajuartilluni tamanna pisussaaffiuvoq.

Takuuk Namminersorlutik Oqartussat nalunaarutaat nr. 10, 20. september 2011-meersoq, §§-it 12 imm. 1 aamma 28, imm. 1.

### KOMMUNI AKILERAARFIK

Sulisitsisup kommuni akileraarfik qaammatikkaartumik nassuiaammi sukumiisumi nalunaassavaa.

|                                                                                               | Nr. |
|-----------------------------------------------------------------------------------------------|-----|
| Kommune Kujalleq                                                                              | 31  |
| Kommuneqarfik Sermersooq                                                                      | 32  |
| Qeqqata Kommunea                                                                              | 33  |
| Kommune Qeqertalik                                                                            | 36  |
| Avannaata Kommunea                                                                            | 37  |
| Akileraartarnermut Aqutsisoqarfik                                                             | 20  |
| Tamakkiisumik akileraartitsinermik aaqquissuussineq* aamma kommunit aggornerisa avataaniittut | 35  |

Akileraartarnermut Aqutsisoqarfik inunnut qaammatit siulii arfinillit kingulliit Kalaallit Nunaanni kommunimut akileraartuusimanngitsunut, aammalu aatsitassarsiornerup iluani aamma kommunit aggornerisa avataanni attaveqaatinik sanaartornermik suliaqartunut kommuniuvoq akileraarfik.

### **Suliffeqarfimmik ingerlajunnaarsitsineq**

Sulisitsisup sulisoqarnini unitsippagu, nassuiaat sukumiisoq aamma akissarsiat allagartaat ukiumoortut unitsitsineq tikillugu paasissutissanik imaqtut unitsitsinnermiit kingusinnerpaamik ullut 10-t qaangiunneranni nassiunneqassapput. (*Eqqaamallugu* feeriarnermi ajunngitsorsiat aamma ilanngunneqassammata). Tassunga ilutigitillugu Sulinal-imi nalunaarsortissimanerup taamaatinnera nalunaarutigineqassaaq. Suliffeqarfik unitsinneqarpat CVR-normu matuneqassaaq . [www.aka.gl-imi](http://www.aka.gl-imi) "Suliffeqarfimmik matusineq" takuuk.

Takuuk

## **9.2 FEERIARNERMI AJUNNGITSORSIASSAT PILLUGIT NASSUIAAT SUKUMIISOQ**

Eqqaamaneqassaaq decemberimut nassuiaat sukumiisoq feeriarnermi ajunngitsorsiasat taakkulu akileraarutaat A-t pillugit paasissutissanik imaqassammat, aatsaalli feeriarnermi ajunngitsorsiasat siusinnerusukkut sulisumut pisassanngortinneqarsimanngippata taamaallutillu siusinnerusukkut nassuiaammi sukumiisumi ilaatinneqarsimanatik.

Feeriarnermi ajunngitsorsiasat pillugit paasissutissat immikkut allanneqartariaqanngillat, akissarsiortulli ataasiakkaat decemberimi aningaasarsiaannut A-nut akileraarutaannullu A-nut ilaatinneqarsinnaallutik. Taamaattorli feeriarnermi ajunngitsorsiasat decemberimut nassuiaammi sukumiisumi immikkoortinneqarnissaat pitsaaquteqarsinnaavoq, tassami kisitsisit tassani pineqartut ukiup naanerani naatsorsuutit oqimaatigiissinnerini feeriepengitut akiitsutut takoriaannaassammata.

Ilitersuutip matuma naggataani assersuut nassuiaatip sukumiisup immersorneqartarneranut tunngasoq takuneqarsinnaavoq, tak. [ilanngussaq 1.](#)

## **9.3 PEQQISSAANNGINNEQ SUMIGINNAANERLU**

Piffissaliussamit qulaani taaneqartumit akulikinnerusumik sivikinnerusumilluunniit piffissaliilluni sulisitsisoq nassuiaatinik sukumiisunik nassitsinissamut akileraarutillu A-t akilernissaannut Akileraartarnermut Aqutsisoqarfimmit peqquneqarsinnaavoq. Tamanna makkuninnga pissuteqarsinnaavoq:

- nassuiaat sukumiisoq piffissaq eqqorlugu nassiunneqartanngippat
- nassuiaat sukumiisoq paasissutissanik amigartunik imaqartoq nassiunneqartarpat
- akileraarutit A-t unerartitat piffissaq eqqorlugu akileneqartanngippata

Takuuk Namminersorlutik Oqartussat nalunaarutaat nr. 10, 20. september 2011-meersoq, § 14

### **Nassuiaat sukumiisoq nassiunneqanngippat**

Sulisitsisup nassuiaat sukumiisoq nassiutinngippagu akileraarutit A-t sulisitsisup akiligassai missingersukkamik angissusilerlugit Sulinal-imit aalajangerallarneqarsinnaapput. Akiligassiissutigineqartut akileraarutitut A-nut ilanngullugit akiligassiissutigineqassapput.

Takuuk akileraartarnermut inatsimmi § 93, imm. 3.

**Nassuiaat sukumiisoq nassiunneqarsimasoq kukkunertaqarpat**

Nassuiaatit sukumiisut immersorneranni kukkusoqarsimatillugu kukkunerit iluarsineqarsinnaasarput. Sulisitsisup qaammatini kukkunilinni akissarsiortumut pineqartumut tunngatillugu kisitsisit nalunaarutigisimasani qaffallugilluunniit appartissinnaavai. Iluarsiissutit kisitsisit saavanni +-imik —imilluunniit aallaqqaaserneqassapput.



## 10 AKILERAARUTIT A-T SULISOQARNERMULLU AKITSUUTIP AKILERNEQARNERI

Sulisitsisutut akissarsiat akileraarutillu nalunaarutigereerukkit fakturamik, akileraarutit sulisoqarnermullu akitsuutip akilernissaannut atugassannik nassinneqassaati.

### 10.1 PIFFISSAQ EQQORLUGU AKILIINEQ

Qaammatisiutit malillugit qaammatip ingerlanerani akileraarutit A-t sulisitsisup unerartissimasai qaammatip tulliani, qaammatip ulluisa qulinganni nalunaarutigineqartussaapput, kingusinnerpaamillu akilernerqassallutik qaammatip nalunaaruteqarfiusup tulliaata aallaqqaataani. Qaammatip aallaqqaataa arfininngorneruppat, sapaataappat nalliuttuuppalluunniit akiliinissamut piffiliussaq ulluinnarmut tullermut sivitsorneqassaaq. Assersuutigalugu 2025-mi aprilip qaammataani akileraarutit A-t kingusinnerpaamik akilernerqassapput 1. juni 2025.

Assersuutigalugu aprilimi unerartinneqartut maajip ulluisa qulinganni kingusinnerpaamik nalunaarutigineqassapput, qulingalli arfininngornermi, sapaammi nalliuttuniluunniit pippat taava qulingata kingorna ulluinnarmi siullermi nalunaarsorneqassallutik. Aamma taamaappoq akileraarutit A-t akilernerqarnissaat juunip aallaqqaataanni pisussaq, juunip aallaqqaataat arfininngornermi, sapaammi nalliuttuniluunniit pippat aallaqqaataata kingorna ulluinnarmi siullermi akiliisoqassasoq.

Akiliineq (akileraarutitik A-nik sulisoqarnermullu akitsuutitik tamakkiisunik) Akileraartarnermut Aqutsisoqarfimmut pissaaq. Akiligassiissut faktura/Netopkrævning nassiunneqarsimasoq atorlugu imaluunniit web-bankikkut akiliisoqarsinnaavoq. Faktura tigusimanngikkaanni Akileraartarnermut Aqutsisoqarfiup aningaaserivimmi kontuanut 6471-1002616-imut akiliisoqarsinnaavoq, CVR aamma akileraarutit qaammammut sorlermut tunngasuunerat nalunaarlugit.

Akissarsianit ilanngaassuinerit akilernissaannut piffissaliussat, akiligassiissutit allat akilernissaannut piffissaliussat assigaat.

### 10.2 KINGUSINAARLUNI AKILIINEQ

Sulisitsisup akileraarutit A-t piffissaq eqqorlugu akilinngippagit qaammatip akiliiffissap aallaqqaataaniit aallartittumik ernialersuisoqassaaq qaammammut 1%-imik.

#### Assersuut

Januarimi akileraarutit A-t unerartinneqartut martsip aallaqqaataani akilernerqanngippata minnerpaamik 2%-inik ernialiisoqassaaq (1+1, tassa marts aamma april pillugit).

Akileraarutit 34.000 koruuniuppata qaammammut ernialersorneqassapput 1%-imik, tassa qaammatinut tamanut 340 koruuninik. Ernialiunneqartut akiligassiissutip qaammatinut piffissaagallartillugu akilernerqanngiffigisaanut naatsorsorneqassapput.

Ernianik naatsorsuineri øriinnaat ilanngunneqassanngillat.

Akileraarutit A-t piffissaq eqqorlugu akilernerqanngippata akileraarutit A-t kingusinaarluni akilernerqarnerinut ernialersuinerup saniatigut sulisitsisoq akiliisinneqarluni "pillarneqarsinnaavoq". Tamanna aamma atuuppoq sulisitsisoq ikinaaraluni unerartitsippat nalunaaruteqarpalluunniit.

Akileraarutit A-t, sulisoqarnermut akitsuut, ernialiussat aamma akiligassiissutit akilernerqanngippata, akiitsut Akiliisitsiniartarnermik Oqartussanit akilersinniarneqalissapput. Tamanna pigisanik arsaarinninnikkut imaluunniit akissarsiassat, aningaasat namminersortutut pisassat, tunisinermi isertitassat il.il. ilaannik unerartitsinikkut pisinnaavoq.

Takuuk akileraartarnermut inatsimmi § 43.

## 11 AKISSARSIAT ALLAGARTAAT UKIUMOORTUT AAMMA UKIUMOORTUMIK AKISSARSIARITITANUT NALUNAARUT

Ukiumi qaangiuttumi akissarsiarititat aamma akileraarutit A-t unerartinneqarsimasut pillugit paasissutissat sulisitsisup ukiut tamaasa januarip qaammataata naannginnerani Sulinal-imut nalunaarutigisassavai. Tassani aamma ilanngunneqassapput feeriarnermi ajunngitsorsiasatut pisassanngortinneqartut taakkulu akileraarutaat A-t.

Sulisitsisoq 20-nik amerlanerusunilluunnik sulisoqarpat akissarsiarititat pillugit elektroniskiusumik [nalunaartoqassaaq](https://sulinal.nanoq.gl). Sulisitsisut 20-it inorlugit sulisoqartut elektroniskiusumik nalunaaruteqarnissamut periarfissallit aamma taamaaliornissamik Sulinal-imit peqquneqarsinnaapput. Sulisut ataasiakkaat ukiup ingerlanerani akissarsiaasa allagartaat ukiumoortut (A11) pillugit nalunaarutit, nassuiaatit sukumiisut pineqartarnerat assigalugu pappialanngorlugit nassiunnerisigut imaluunniit elektroniskiusumik nassiullugit nalunaarutigineqarsinnaapput. Elektroniskiusumik nalunaaruteqarnissamut ilitsersuut uani takuneqarsinnaavoq <https://sulinal.nanoq.gl>.

### 11.1 AKISSARSIAT ALLAGARTAAT UKIUMOORTUT (A11)

Akissarsiat allagartaanni paasissutissat makku ilaassapput:

- Aningaasarsiat A-t akissarsiaritinneqartut tamarmik
- Aningaasarsiat B-t aalajangersimasut
- Akeqanngitsumik ajunngitsorsiaqartitsisoqarnerseq nalunaarneqassaaq
- Soraarnerussutisiaqarnissamut inuunermulluunniit sillimmasiissutitut aamma soraarnerussutisiaqarnissamut aqqissuussinernut nunani allaniittunut sulisitsisup akiligai

Kiisalu kisitsisit nalunaarutigineqartut pillugit akissarsiortumut ilisimatitsinissaaq sulisitsisup pisussaaffigaa.

### 11.2 UKIUMOORTUMIK AKISSARSIARITITANUT NALUNAARUT (A10)

Sulisitsisup nassiutissavaa akissarsiarititanut nalunaarut ukiumoortoq (A10), akissarsiarititat il.il. tamarmik katinnerannik imaqartoq. Sulisitsisut ukiumik kipungasumik naatsorsuusiortillit qaammatisiutit malillugit isertitat ukiumut naatsorsuusiortimmut agguataarlugit nalunaarutigisavaat.

Akissarsiarititanut nalunaarummi ukiumoortumi aningaasarsiat A-t aamma akileraarutit A-t katinneri, akissarsiat allagartaasa ukiumoortut ukiullu ingerlanerani nassuiaatit sukumiisut kisitsisitaasa katinneritut nikingassanngillat.

Suliffeqarfik unippat paasissutissat pineqartut assingi kingusinnerpaamik kingullermik akissarsisitsinermit ullut qulit qaangiunneranni tunniunneqassapput.

Takuuk, Inatsisartut inatsisaat nr. 11, 2006-imeersumi § 31, imm. 6,2.

Aningaasarsianik qulaani taagorneqartunik pissarsisartoq Kalaallit Nunaannut akileraartussaajunnaarpat, paasissutissiisussaataaq qinnuigineqaruni paasissutissiisussaavoq qaammatisiutit malillugit ukiup aallartinneraniit akileraartussaajunnaarnerup tungaanut pineqartoq qanoq amerlatigisunik isertitaqarsimanersooq kiisalu akileraarutit A-t qanoq amerlatigisut unerartinneqarsimanersut.

Takuuk, Inatsisartut inatsisaat nr. 11, 2006-imeersumi § 31.

Paasissutissat assingi aamma qinnuteqartoqarneratigut pineqartumut imaluunniit pineqartup sinniisaanut, toqusulluunniit pigisaanut tunniunneqassapput.

## 12 SULISITSISUT PISUSSAAFFII ALLAT

Sulisitsisup pisussaaffiisa allattorsimaffiat una tamakkiisuunngilaq. Assersuutigineqarsinnaavoq sulisitsisup qulakkiigassarimmagu suliffimmi avatangiisit peqqinnartuullutillu toqqissisimanartuunissaat. Kapitalimi pingaartillugit sammineqarput Akileraartarnermut Aqutsisoqarfiup suliaqarfiinut tunngatillugu pisussaaffiit.

### 12.1 ANINGAASARSIAT A-T, AKILERAARUTIT A-T AAMMA SULISOQARNERMUT AKITSUUTIP NAATSORSORNEQARTARNERI

Sulisitsisoq pisussaavoq aningaasarsiat A-t akissarsiaritinneqartut aamma akileraarutit A-t unerartinneqartut pillugit naatsorsuuteqarnissamut.

Akissarsiarititanut naatsorsuusiorfiit bilagitaat ilanngullugit ukiup naatsorsuusiorfiup pineqartup naanerata kingorna ukiuni 5-ini toqqortarineqassapput.

### 12.2 SULISITSISUT ALLATTORSIMAFFIANNI ILANNGUNNEQ

Kalaallit Nunaanni sulisitsisut tamarmik CVR-imi nalunaarsortissimassapput nalunaarsortikkunillu CVR-normoqalissallutik. CVR-imi nalunaarsortinnermut atatillugu apeqqutissaqaraanni [akitax@nanoq.gl-imut](mailto:akitax@nanoq.gl-imut) nassiunneqassapput imaluunniit Akileraartarnermut Aqutsisoqarfimmut sianerluni +299 346500-imut.

CVR-registerimut nalunaarsortinniarlutit MitID-qarlutillu NemKontoqassaatit. Kommunivit MitID-mik ikiorsinnaavaatit. Aningaaserivipit NemKontomik ikiorsinnaavaatit.

Hvis Suliffeqarfiutit sulisunik akissarsisitsisarpas suliffeqarfik Sulinal-imut nalunaarsortissaaq [Sulinal@nanoq.gl-imi](mailto:Sulinal@nanoq.gl-imi) imaluunniit tassunga ikioqqullutit uunga sianerit +299 346081.

Sulinal-imut ilannguttoqartarpoq immersugassap immersorneqarneratigut. Immersugassaq Akileraartarnermut Aqutsisoqarfiup internetikkut nittartagaani uani aaneqarsinnaavoq: [www.aka.gl/immersuiffissat](http://www.aka.gl/immersuiffissat) Inuussutissarsiortut/Sulinal-ip ataani. Taanna Sulinal-imut tunniunneqassaaq nassiunneqarluniluunniit kingusinnerpaamik aningaasarsitseqqaarnermiit ullut 10-t qaangiunneranni. Tamanna aamma atuuppoq akissarsisitsinermit akileraarutit A-t "0"-iugaluarpataluunniit (nul).

Sulinal-imut nalunaarnissaaq inatsisit malillugit pisussaaffiuvoq. Taamaaliunngikkaanni akiliisitaasoqarsinnaavoq. Takuuk Aningaasarsianit akileraarutit aamma sulisoqarnermut akitsuutip akilersinneqartarneri pillugit Namminersorlutik Oqartussat nalunaarutaat nr. 10, 20. September 2011-meersumi § 30, imm. 1, naleqq. § 2, imm. 3.

CVR-imi aamma Sulinal-imi nalunaarsortinnerup kingorna suliffeqarfiup CVR-normua Akileraartarnermut Aqutsisoqarfimmut Sulinal-imullu saaffiginninnermi tamatigut atorineqartassaaq.

Suliffeqarfik unippat tamanna kingusinnerpaamik akissarsisitsinermit kingullermiit (imaluunniit feeriarnermi ajunngitsorsiasat naatsorneqarneranniit) ullut 10-t qaangiunneranni Sulinal-imut nalunaarutigineqassaaq.

#### **CVR – AKA.GL-IMI ILITSERSUUT TAKUUK**

Suliffeqarfiutivit CVR-imut qanoq nalunaarsortinnissaanut ilitsersuut Akileraartarnermut Aqutsisoqarfiup internetikkut nittartagaani takusinnaavat.

Inuussutissarsiortut/CVR-ip ataaniippoq

Aammattaaq sulisitsisup najukkami allanngornera imaluunniit suliffeqarfimmik piginnittuunermut tunngasut allannguutaat Sulinal-imut nalunaarutigissavai.



## 13 SULISITSISUNIK NAKKUTILLINEQ KINGUNERISINNAASAALU

Sulisitsisut akileraartarnermut inatsit aamma akileraaruserinermik inatsit malillugit suliasaminnik isumaginninnissaat qularnaarumallugu Akileraartarnermut Aqutsisoqarfimmi sulisut sulisitsisunik nakkutilliisinnaapput. Tamanna pisinnaavoq sulisitsisup suliffeqarfiutaanut ornigunnikkut. Naatsorsuutit bilagitaat ilanngullugit Akileraartarnermut Aqutsisoqarfimmut aamma nassuteqquneqarsinnaapput.

Sulisitsisunik nakkutilliinermi naatsorsuutit tamaasa misissorneqarsinnaapput. Skattekortit uppersaataillu allat nakkutilliinermut pingaaruteqartut saqqummiunneqarnissaat piumasarineqarsinnaavoq.

Naatsorsuutini misissuinermi aningaasarsiat naatsorsuutaasa bilagitaasalu misissorneqarnerisa saniatigut aammattaq sulisitsisup naatsorsuutaasa sinneri misissorneqarsinnaapput.

Misissuiartorsinnaaneq, uppersaatinik saqqummiusseqqusineq aammalu naatsorsuutini bilagitaannillu nassiusseqqusineq ullormut akiliisitsisarnikkut pinngitsaaliissutigineqarsinnaapput. Paasissutissat nakkutilliilluni misissuinermi atugassat aamma akissarsiortunit pissarsiariniarneqarsinnaapput.

Pingaartumik sulisitsisunut nutaanut kaammattuutigineqassaaq nalornissutit sapinngisamik piaartumik Sulinalimut paasiniartaqqullugit - saaffiginninnikkut imaluunniit sulisitsisunik nakkutilliisunit pulaarneqarnissamik qinnuteqarnikkut. Attavissaq [kontroltax@nanoq.gl](mailto:kontroltax@nanoq.gl).

### 13.1 SULISITSISUP PISUSSAAFFII AKILIINISSAMUT AKISUSSAATITANERA AAMMA PILLARNEQARSINNAANERA

#### **Sulisitsisup pisussaaaffii aamma akiliinissamut akisussaatitanera**

Unerartitsisussaatitaq taassumaluunniit piginnaatitaa akileraarutit A-t akilernerneqarnissaannut akisussaatitaavoq, Takuuk akileraartarnermut inatsimmi § 93.

Inuit arlaqartut suliffeqarfimmik piginnittutut nalunaarsorneqarsimagunik (interessentskabit assigisaalluunniit) akiliinissamut assigiimmik pisussaafeqarput.

Akiliinissamut akisussaatitap aammattaq nassuiaatit sukumiisut il.il. eqqortumik immersorneqarnissaat piffissarlu eqqorlugu nassiuunneqarnissaat akisussaafigaa.

Akileraarutini A-nik unerartitsisussaanerminik naammassinninngitsoq, imaluunniit minnaaraluni akileraarutini unerartitsisoq, minnaarutigineqartut akilernerneqarnissaannut akileraartarnermut inatsit malillugu akisussaatinneqassaaq, suliasaminik sumiginnaasimannginnini qularnaallisarsinnaanngikkuniuk.

Nassuiaatinik sukumiisunik amigaateqarnerup imaluunniit amigartunik naatsorsuuteqarnerup kingunerisaanik sulisitsisumut akiliutigeqqusat eqquissumik naatsorsorneqarsinnaanngippata, Akileraartarnermut Aqutsisoqarfiup akileraarutit A-t akilernerqartussat missingersorlugit amerlassusilerallarsinnaavai, Takuuk akileraartarnermut inatsimmi § 93, imm. 3.

#### **Pinerluttulerinermut inatsit malillugu akisussaaaneq (pillaat)**

Sulisitsisoq akileraartarnermut inatsit malillugu akiliisitaanermik allatulluunniit pineqaatissinneqarnermik pillarneqarsinnaavoq, taanna piaaraluni mianersuaalliorujussuarluniluunniit:

- akileraarutini A-nik unerartitsinngippat imaluunniit minnaarlugit unerartitsippat
- akileraarutit A-t unerartitat piffissaliussa eqqorlugu akilerneq ajorpagit,
- nassuiaat sukumiisoq piffiliussa eqqorlugu nassiunneq ajorpagu,
- nassuiaammi sukumiisumi eqqunngitsunik paasissutissiippat.

Taamatuttaaq maleruagassanik allanik, ilitersuummi matumani taagorneqanngitsunik unioqqutitsineq akiliisitsinikkut pillarneqarnermik kinguneqarsinnaavoq,

Takuuk Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi § 105.



indsendes til Skattestyrelsen senest den 10. af måneden følgende måned.

Nassuiaat sukumiisoq  
*Specificeret redegørelse*

1

Akileraartamermt Aqutsisoqarfik  
Skattestyrelsen  
Postboks 1605  
3900 Nuuk  
Oqarasuaat/tlf. nr.: +299 34 60 81  
Fax: +299 34 65 77  
E-mail: sulinal@nanoq.gl - www.aka.gl  
https://sulinal.nanoq.gl - (web indberetning)

2

CVR normua, aqqa ajugaalo  
CVR-nummer, navn og adresse  
  
21895719  
Pequsiortoq/Møbelsnedker  
Enok Hansen  
Tuttut Aqq. 60  
Postboks 2781  
3955 Kangaatsiaq

3

Oqaaseqaatit (soorlu naqjiutit)  
Bemærkninger (f.eks. rettelser)

4

Qaammat uneraritsivik ukiorlu  
Trækmåned og -år **Januar 2025**

Qupp.  
Side

Qupp.  
Side  
af

5

Akissarsiorput aqqa  
Indkomstmødtagerens navn

6

Inuup normua  
Personnummer

7

Kommunip  
akileraarfi-  
up normua  
  
Skatte-  
kommune  
nr.

8

Aningaasarsiat  
A-t akileraarutissat  
ilanngaatigittinnagit  
(koruuniinnaat)  
  
Brutto A-indkomst  
før skattetæk  
(kun hele kr.)

9

Nunani allani  
soraamerussuti-  
siassatigut aaq-  
qissuussinermut  
akileraarutissat  
ilanngaatigittinnagit  
akiliutit  
(koruuniinnaat)  
  
Brutto udenlandsk  
pensionsbidrag  
før skattetæk  
(kun hele kr.)

10

Akissarsianit  
nalininnaasunit  
akileraarutit  
A-t uneraritat  
(koruuniinnaat)  
  
Trukket A-skat  
fra almindelig  
løn  
(kun hele kr.)

11

Nunani allani  
soraamerussuti-  
siassatigut aaq-  
qissuussinermut  
akileraarutit  
A-t uneraritat  
(koruuniinnaat)  
  
Trukket A-skat  
vedrørende  
udenlandsk  
pensionsbidrag  
(kun hele kr.)

Hansine Lynge

030170-0220

37

11.532

3.011

Anders Christensen

220865-0751

37

14.589

5.850

3.704

2.457

Mikkel Abelsen

091249-0577

37

7.098

1.017

Nikolaj Steenholdt

311155-1571

37

22.684

6.908

Katillugit  
/ alt

12

55.883

13

5.850

14

14.640

15

2.457

Uppemarsarneqarpoq qaammammi qulaani pine-  
qartumi aningaasarsiat A-t aammalu akileraaruti-  
git A-t tamarmik aammalu sulisoqarnermut akit-  
suut nassuiaammut ilanngunneqarmata.

Krydsi-  
liffissaq  
Sæt X

X

Katillugit  
/ alt

(12+13)  
61.733

(14+15)  
17.097

Det attesteres, at redegørelsen omfatter al A-ind-  
komst, der er udbetalt og al A-skat, der er trukket  
samt arbejdsmarkedsafgift i den ovenfor anførte  
trækmåned.

Nassiussingitsoomeq missingersuullini angissuullinermik kinguneqartitsisus-  
saavoq (immikkut akiliuteqaritaaneq minnerpaamik kr. 500 annerpaamik  
kr. 1000) kisaslu eriat qaammammi akiliffissanngorfiup aallaqqaataanit  
(qaammammi qaammattip uneraritsivip tulliani) naatsorsomeqassapput.  
  
Manglende indsendelse medfører skønsmæssig ansættelse (gebyr min.  
kr. 500 max kr. 1000) og rente beregnet fra den 1. i forfaldsmåned  
(måned efter indeholdelsesmåned)

16

Sulisoqarnermut akitsuut  
Arbejdsmarkedsafgift A/A  
→ \*2,1% = 1.296

17

Akiliffissaq tamakkertuq  
i alt til betaling (14+15+16)

18.393

Najugaq – Sted  
Kangaatsiaq

Ulloq – Dato  
10/2-2025

Atsiomeq – Underskrift